

讀史舉正







讀史舉正

張增著

編主五雲王

編初成集書叢

正 舉 史 讀

中華民國二十六年三月初版

著 者 張

燏

發行人

王 雲 五  
上海河南路

印刷所

商 務 印 書 館  
上海河南路

發行所

商 務 印 書 館  
上海及各埠

# 張南漪墓志銘

南漪讀書極博。其說經皆有根據。必折衷於至是。而尤熟於史。其權史也。尤精於地志。幾幾足以分國。初胡閻黃顧諸老之席。其古文最嗜羅存齋。於近人則專顧亭林。是其平生學術大略也。浙有妄男子者。客京師。其文皆造險語奇字以欺人。而中實索然無所有。或問之。則取漢唐以來之亡書對曰。是出某本。賦詩則以用盡韻部之字爲工。方余在京師時。力爲人言其謬。故妄男子最恨予。及予歸。妄男子始猖狂。而吾友中好奇者。亦多爲所蠱。莫之正。南漪入京師。見而唾曰。嘻。是不足爲樊紹述劉幾作輿臺。何其無忌憚。一至此也。會妄男子正說經。南漪投以帖子。詰其經義數十條。妄男子噤不能答。遷延避去。南漪不喜爲場屋之文。故科舉累失利。甲子。王侍郎晉川見其對策。奇之。置之副車。丁卯。竟薦之。天子詔求明經之士。梁尙書薌林又與侍郎交登啓事。故南漪久留京師。會召對之期在明年。南漪乃有金幣之行。舟至三衢。暴病。返棹抵家五日而卒。南漪之學。固未見其止。卽就其所已至者。亦自足以有傳。而其平日爲文。最矜慎。不苟作。身後屏當其篋。不滿數十篇。皆非其底蘊之所在。惟讀史舉正一書。亦未及十之五。草書散亂。在故紙中。予爲科分而件繫之。闕其所不可識者。詮次得八卷。令其子鈔而傳之。不然。南漪幾不免有寂寞千秋之恨。是則可悲也。南漪嗜酒。然易醉。其家與予寓隔一巷。嘗與施慎甫飲。予齋正酣暢。極口論

文慎甫傾耳聽之。俄而目直上視。旁皇四顧大罵。不知其所罵者何人也。余命奚奴扶之以歸。南漪下階。踣于草間。慎甫救之亦踣。罵聲猶喃喃。觀者大笑。由今思之。不異山陽之笛也。南漪姓張氏。諱燭。字曦亮。杭之仁和縣人。曾祖文宏。祖廷琦。父韶。聞。娶沈氏。生于康熙乙酉年閏四月二十五日。卒于乾隆庚午年九月二十五日。其年四十有六。葬于湖上。子三。塹。塔。璩。塹爲諸生。屬銘于子。其銘曰。文如鄂州。厥壽亦侔。小泉翁志其幽。贈君私諡曰醉侯。鄧全祖望撰。

張南漪先生名燭字曦亮其後世居之者文如鄂州丁卯歲其子子孫南漪也  
一曰其子燭字曦亮其後世居之者文如鄂州丁卯歲其子子孫南漪也  
各家中其子燭字曦亮其後世居之者文如鄂州丁卯歲其子子孫南漪也  
其時以東漢劉文平工衣命其子燭字曦亮其後世居之者文如鄂州丁卯歲其子子孫南漪也  
京師其子燭字曦亮其後世居之者文如鄂州丁卯歲其子子孫南漪也  
其時以東漢劉文平工衣命其子燭字曦亮其後世居之者文如鄂州丁卯歲其子子孫南漪也  
京師其子燭字曦亮其後世居之者文如鄂州丁卯歲其子子孫南漪也  
其時以東漢劉文平工衣命其子燭字曦亮其後世居之者文如鄂州丁卯歲其子子孫南漪也  
京師其子燭字曦亮其後世居之者文如鄂州丁卯歲其子子孫南漪也

讀史舉正目錄

卷一

史記

漢書

卷二

後漢書

卷三

三國志

晉書

卷四

晉書

卷五

晉書

卷六

宋書

南齊書

梁書

陳書

魏書

北齊書

周書

隋書

卷七

南史

北史

舊唐書

新唐書



卷八

新唐書

五代史

宋史

資治通鑑

# 讀史舉正卷一

清 仁和張 燾 燾亮著

史記

高祖本紀

秦二世元年注徐廣曰高祖時年四十八後高祖崩注皇甫謐曰高祖以秦昭王五十一年生至漢十二年六十三案始皇本紀昭王享國五十六年孝文一年莊襄三年始皇三十七年以高祖生年校之廣謐二說合但云六十三三當爲二耳漢書注臣瓚曰帝年四十二卽位卽位十二年壽五十三與廣謐說異

周市來攻方與未戰陳王使魏人周市略地案文陳王句當在攻方與上

遇剛武侯注應劭曰楚懷王將也漢書音義曰功臣表云云案音義卽劭注也漢書音義四字衍班書引劭此注無此四字

遂略韓地轅轅案轅轅上有脫文漢書本紀從轅轅至陽城是也

王陵降西陵案西陵二字衍漢書無

漢王兵大振榮陽破楚京索閒案漢書在六月立太子上爲是

外戚世家

竇廣國至宜陽爲其主入山作炭寒臥岸下案論衡吉驗篇作臥炭下

齊悼惠王世家

哀王八年立營陵侯劉澤爲琅邪王其明年趙王友幽死于邸案齊哀王八年乃高后七年也漢書劉澤爲琅邪王及趙王幽死並在高后七年本紀傳年表並同此言明年誤也

張叔傳

武帝元朔四年韓安國免詔拜歐爲御史大夫案元朔當爲元光漢書百官表元光四年九月中尉張歐爲御史大夫又本書平津侯傳元朔三年張歐免以宏爲御史大夫據此則元朔四年歐已不在位矣

漢書

高帝紀

懷王遣沛公入關沛公道碭至陽城與杠里案潁川汝南二郡並有陽城去碭遠下有引兵至栗北攻昌邑等語安能先至陽城乎史記作成陽去碭近較是

遇剛武侯。注孟康曰：功臣表柴武以將軍起薛，至霸上，入漢中。案表云十月入漢，無中字。又史記引此作臣瓚。

鄼食其說沛公襲陳留下。史記有得秦積粟四字，甚要。漢書去之，非是。

函谷關。注文穎曰：關在宏農。今移東在河南穀城縣。師古曰：穀城卽新安。案武帝紀元鼎三年徙函谷關于新安。屬宏農郡。穀城屬河南郡。後漢因之。而郡國志注新函谷關于穀城下。與文穎說同。何焯云：穀城去洛陽甚近，疑非徙關之地。予以晉隋唐三書地理志考之，俱無穀城縣。卽杜預注左傳于定八年二月單子伐穀城下云：穀城在河南縣西。然則晉初已省併入新安矣。是以師古曰卽新安也。今地志新安在河南府西七十里。故穀城在府西北十七里。蓋漢時二縣接界。關或徙于其間。文穎司馬彪漢末人，理當不誤耳。

諸侯罷戲下。注師古曰：戲謂軍之旌麾也。一云從項羽在戲水之上，故言罷戲下，非也。羽見高祖于鴻門，已過戲矣。又入秦燒宮室，不復在戲也。案上明云羽率諸侯兵西至戲下。史記無下字此云罷戲下，文正相應。又二世元年陳涉將周章西入關至戲，皆指戲水。且羽之會鴻門，西入秦，豈必諸城皆從耶？羽不在戲，諸侯未必不皆在戲也。若云罷旌麾之下，于義不可通矣。

五月漢王從故道襲雍。史記在八月。

出成臯玉門。注張晏曰：成臯北門。案玉門乃成臯西門。武王有玉門之難。卽此注誤。

高后紀。

元年五月。封孝惠子強淮陽王。不疑恆山王。宏襄城侯。朝軹侯。武壺關侯。案表俱在四月。

八年春。封中謁者張釋卿爲列侯。案表無卿字。

景帝紀。

三年正月。皇太后崩。注文穎曰：竇太后。以景帝崩後六年亡。凡立五十一年。此言崩誤。案后以文元年立。武建元六年崩。凡四十五年。文說亦誤。

昭帝紀。

元鳳元年。注應劭曰：三年中。鳳皇下東海。海西樂鄉。於是以冠元焉。案地理志。樂鄉屬信都國。十三部郡。無海西名。而本紀始元三年十月。言鳳皇集東海。文止。此則海西樂鄉。當爲東海地矣。考東海有海曲。疑西爲曲之訛。

哀帝紀。

帝崩于未央宮。注臣瓚曰：帝年二十卽位。卽位六年。壽二十五。師古曰：卽位明年乃改元。壽二十六。案紀云。帝以元延四年入朝。時年十七矣。綏和二年卽位。則是十九歲。明年改元建平。建平四年。合元壽

二年凡六年。恰正二十五師古誤。臣瓚以改元爲即位亦謬。

### 王子侯表

齊悼惠王子管侯罷軍案。管疑當作管。地理志管屬濟南。與齊近。菑川懿王子臨胸侯奴案。臨胸屬齊郡。東海有胸縣。此臨字疑衍。下注東海可見。中山靖王子薪處侯安郭侯下並云涿案。新當作新。郭當作國。地理志新處安國並屬中山。或先屬涿耳。代共王子濕成侯忠。畢琅侯遷案。濕當作濕。琅當作狼。志並屬西河。代共王子如蘭侯。土軍侯。千章侯。皆西河邑也。而表于畢琅下云臨淮。千章下云平原。並誤。趙敬肅王子爲氏侯。賀案。爲氏卽象氏。異文。屬鉅鹿。城陽共王子有利侯。釘案。有利當作育。犂屬東萊。長沙定王子乘陵侯賢案。乘當作泉。見王莽傳師古注。河間獻王子沈陽侯。自爲下云勃海案。沈疑當作浮。浮陽屬勃海。魯安王子闡旗侯臨朝案。旗當作祺。屬東海。膠東戴王子柳泉侯。強下云南陽案。柳泉屬北海。戴王子樂望侯成康侯。並云北海可證。此云南陽誤也。

表與地理志郡邑不同。如王子侯表。德侯五據侯胡毋侯下並云泰山。志泰山郡無。安城侯下云豫章。志豫章郡無。句容侯下云會稽。志句容屬丹楊。浮邱侯下云沛。志沛郡無。丹楊侯下云無湖。志丹陽無湖。並屬丹楊郡。龍邱侯下云琅邪。志琅邪無。臨衆侯下云臨原。志無臨原郡邑。壽樂侯下云壽樂。志無壽樂郡邑。宣城侯下云平原。志宣城屬濟南。臨胸侯下云東海。志齊郡東萊並有臨胸。東海則有胸縣。

雷侯辟土侯下並云東海志東海郡無尉文侯下云南郡志南郡無襄侯下云廣平志廣平國無將梁薪館陸城三侯下並云涿郡志涿郡無蒲領侯下云東海志蒲領屬勃海畢梁旁光兩侯下並云魏志魏郡無廣侯下云勃海志廣屬齊郡蓋侯下云魏志蓋屬泰山郡陪侯前侯下並云平原志平原郡無案志或據改併後表據見封時耳

外戚恩澤侯表

周呂侯澤下云六年正月丙戌封案高帝紀六年正月丙午封荆王賈楚王交壬子封代王喜齊王肥又云封大功臣三十餘人漢重同姓澤不應先封疑丙戌當爲丙午否則正月當爲四月此表於建成侯呂釋之下云六年四月丙戌封釋之乃澤弟理當同日封也又云澤薨台嗣高祖九年更封爲郕侯四年高后元年爲呂王案更封之後四年則孝惠元年也四字誤

建成侯釋之下云六年四月封九月薨案九月當作九年下云孝惠二年侯則嗣自高祖六年至孝惠二年正得九年也

鄒侯驪鈞下云文元年四月封六年坐濟北王居反弗救免案文帝紀元年六月封齊王舅驪鈞爲靖郭侯與表異而濟北王之反文紀在三年五月此云六年疑表誤

平昌侯王無故下失書平原二字又臨薨鴻嘉元年侯獲嗣三十八年建武五年復案文不言免直

言復疑有闕。且自鴻嘉元年至建武五年爲四十八年。此云三十八亦誤。

樂昌侯王武下。地云汝南。今考地理志。汝南無樂昌縣。又甘露二年。戾侯商嗣。二十七年薨。河平四年。侯安嗣。二十七年。元始三年。爲王莽所殺。案商以河平四年薨。自甘露二年至河平四年。爲二十八年。又自河平四年至元始三年。亦二十八年。此並云二十七誤。

成都侯商下。注山陽。案地理志。山陽郡城都縣。注云侯國。成當作城。與蜀郡成都別。

### 百官公卿表

孝惠高后置左右丞相。案鄼商傳。遷右丞相。又云以右丞相擊陳豨。然則高祖已置左右丞相。不始於孝惠也。

沛相蕭何爲丞相。案何傳。高祖爲沛公。何嘗爲丞督事。又高帝紀。高祖立爲沛公。注孟康曰。楚稱縣宰爲公。陳涉爲楚王。沛公起應涉。故從楚制。然則縣宰安得置相。傳云丞是也。表誤。

太尉盧綰。書五年下。案綰傳。入漢以太尉常從。表不得其始爲太尉之年。故以王燕之年爲定。

灌嬰傳。嬰以御史大夫追項籍。所將卒斬籍。又以車騎將軍從擊燕王荼。案籍死荼反。並在高帝五年。表于御史大夫列將軍位下。並失書。

殷內史杜恬案表。上云內史掌治京師。此殷字疑誤增。



將軍鄼商爲衛尉。案商傳以將軍將太上皇衛一歲。不云衛尉。

九年丞相何遷爲相國。案何傳陳豨反。自上將。聞誅韓信。使使拜丞相爲相國。而高紀豨反在十年九月。信誅在十一年正月。下有相國何等請立代王。二月詔有御史大夫昌下相國云云。然則何之遷。非九年明矣。

十年中地守宣義爲廷尉。案中地郡。卽右扶風也。地理志注高帝九年罷。復爲內史。表仍其舊名耳。十一年周勃爲太尉。後官省。孝惠六年勃復爲太尉。案勃傳盧縮反。勃以相國擊下薊。而高紀縮反在十二年。豈此時省太尉官乎。然則勃中間嘗爲相國。表失之。

孝文二年書衛尉足。案文紀元年六月。詔有衛尉足等。宜書元年下。

孝文三年下中郎將張釋之爲廷尉。案釋之傳以贖爲郎。事文帝十年。不得調。其後拜謁者僕射。又爲公車令中大夫。然後至中郎將。爲廷尉當在孝文末年。表誤。

孝文後二年八月戊戌。丞相張蒼免。下又云八月庚午。陶青爲御史大夫。案戊戌庚午。不得並在一月。周亞夫傳文帝崩。亞夫爲車騎將軍。表列將軍位下。不書失之。

孝景元年。平陸侯劉禮爲宗正。二年爲楚王。案二年當爲三年。觀楚元王傳可見。

孝景五年。安邱侯張敖爲奉常。案功臣表。安邱懿侯張說薨。共侯奴嗣。奴薨。敬侯執嗣。執薨。康侯新嗣。

初無歐名。又史記歐傳。歐安邱侯說之庶子。則歐固未嘗嗣爵。表言安邱侯。誤。

孝景中六年。中大夫令直不疑。更爲衛尉。案表上云。衛尉景帝初更名中大夫令。後元年復爲衛尉。則中六年尙非衛尉也。而不疑傳以郎稍遷中大夫。擊吳楚。正在景帝初。與表不合。似脫令字致誤。孝武建元元年下。齊相牛抵爲御史大夫。二年下。御史大夫趙綰自殺。案綰死在二年十月。時以十月爲歲首。則綰之爲御史大夫。在元年無疑矣。牛抵豈趙綰字之譌乎。抑抵旋罷而綰代。在一年中。而表失之也。綰與郎中令王臧同死。而表于元年前下書王臧爲郎中令。不應遺綰。此必有誤。

淮南太守灌夫爲太僕。案文南當作陽。灌夫傳可據。

甯成爲內史。下獄。論內史印。案成傳。抵罪髡鉗。此云論內史印。不成文。必有誤。

建元二年下。郎中令石建六年卒。應在元光初年。而傳云萬石君。元朔五年卒。歲餘建亦死。表傳互異。萬石君傳。石慶爲太僕。上問車中幾馬。云云。表于太僕位次失書。

元光元年下。隴西太守李廣爲衛尉。案廣傳。徙爲隴西。北地。雁門。雲中太守。入爲衛尉。當云雲中太守。元光六年下。韓安國爲衛尉。二年爲將軍。案武帝紀。是年秋。安國以將軍屯漁陽。本傳亦云爲衛尉。明年爲將軍。表云二年。誤。

元狩三年下。三月壬辰。廷尉張湯爲御史大夫。六年。有鼻自殺。案上二年云三月壬辰。御史大夫李蔡。

爲丞相。月日皆同。疑湯代蔡卽此日也。又上元朔三年云湯爲廷尉。五年遷。若在元狩三年遷。則六年矣。又湯傳爲御史大夫七歲。若在元狩三年爲御史大夫。至元鼎二年石慶代。則六年矣。

元帝竟甯元。下張譚爲御史大夫。案匡衡傳作甄譚。

孝成建始二年下。何壽爲廷尉。四年徙。案下文三年十二月。丞相匡衡免。而衡傳時司隸校尉駿。少府忠。行廷尉事。勳奏衡免。然則壽之徙久矣。安得至四年乎。

張禹傳及儒林傳。禹弟子彭宣爲大司空。百官表失之。

律歷志

劉歆作三統歷及譜。以說春秋。推法密要。故述焉。注師古曰。自此以下。皆述劉歆之說也。案左傳襄二十四年。孔氏正義曰。漢書律歷志載劉歆三統之術。以爲五月二十二分月之二十。乃爲一交。交在望前朔。則日食。望則月食。交在望後。望則月食。後月朔則日食。交正在朔。則日食。既前後望不食。交正在望。則月食。既前後朔不食。又襄二十八年正義曰。漢書律歷志載劉歆三統歷。以爲歲星一百四十四年。行天一百四十五次。一千七百二十八年爲歲星歲數。以上二條。今本無。

地理志

東郡壽良縣。注應劭曰。世祖叔父名良。改曰壽張。案郡國志。下邳國之良城。涿郡之良鄉。皆未改。

南陽郡春陵縣。注顏師古曰。漢記云戴侯仁。以春陵地形下溼。請徙南陽。案王子侯表。戴侯熊渠。孝侯仁。又請徙者孝侯也。見後漢書宗室四王傳。傳作考侯亦誤。考乃孝之訛耳。

平原郡富平縣。注應劭曰。明帝更名厭次。案功臣表。已有厭次侯爰類。則非明帝改也。

濟南郡。注景帝二年爲郡。案文。二當爲三。景三年。吳楚反。濟南王應之。事敗國除。然後爲郡也。

信都國。注景帝二年爲廣川國。宣帝甘露三年復故。案文。三當爲四。原父已刊之。但漢初信都爲郡。建國卽改廣川。自海陽廢徙之後。仍當爲郡。元帝建昭二年。立子興爲信都王。于是信都始爲國。然陽朔二年。王卽徙中山。則其爲國也亦僅矣。注未明。

淮陽國。注孟康曰。孝明帝更名陳國。案郡國志。陳國。注故淮陽。章和二年改。則是章帝非明帝也。

志有二開陽。一屬東海郡。一屬臨淮郡。二復陽。一屬清和郡。一屬南陽郡。南陽爲侯國。二高陽。一屬涿郡。一屬琅邪郡。琅邪爲侯國。二武陽。一屬韃爲郡。一屬東海郡。東海爲侯國。二東陽。一屬臨海郡。一屬清河郡。清河爲侯國。

二西陽。一屬江夏郡。一屬山陽郡。山陽爲侯國。二成陽。一屬濟陰郡。一屬汝南郡。汝南爲侯國。二建陽。一屬九江

郡。一屬東海郡。東海爲侯國。二昌陽。一屬東萊郡。一屬臨淮郡。臨淮爲侯國。二安陽。一屬漢中郡。一屬汝南郡。汝南爲侯國。二朝陽。一屬南陽郡。一屬濟南郡。濟南爲侯國。二新陽。一屬汝南郡。一屬東海郡。東海爲侯國。二阿陽。一屬

平原郡。一屬天水郡。二高陵。一屬左馮翊。一屬琅邪郡。琅邪爲侯國。二樂陵。一屬平原郡。一屬臨淮郡。臨淮爲侯國。

二樂陵。一屬平原郡。一屬臨淮郡。臨淮爲侯國。

國。二定陵。一屬潁川郡。一屬汝南郡。二陽城。一屬潁川郡。一屬汝南郡。汝南爲侯國。二平城。一屬雁門郡。一屬北海郡。北海爲侯國。二武城。一屬左馮翊。一屬定襄郡。二石城。一屬丹楊郡。一屬右北平郡。二安成。一屬長沙國。一屬汝南郡。汝南爲侯國。二樂成。一屬河閒國。一屬南陽郡。南陽爲侯國。二高成。一屬南郡。一屬勃海郡。二新成。一屬河南郡。一屬北海郡。北海爲侯國。二成安。一屬陳留郡。一屬潁川郡。潁川爲侯國。二東安。一屬城陽國。一屬東海郡。東海爲侯國。二平安。一屬廣陵國。一屬千乘郡。千乘爲侯國。二安平。一屬涿郡。一屬豫章郡。豫章爲侯國。二襄平。一屬遼東郡。一屬臨淮郡。臨淮爲侯國。二富平。一屬北地郡。一屬平原郡。平原爲侯國。二高平。一屬安定郡。一屬臨淮郡。臨淮爲侯國。二廣平。一屬廣平國。一屬臨淮郡。並爲侯國。二西平。一屬汝南郡。一屬臨淮郡。二新都。一屬廣漢郡。一屬南陽郡。南陽爲侯國。二武都。一屬武都郡。一屬五原郡。二鄭縣。一屬京兆尹。一屬山陽郡。山陽爲侯國。二饒縣。一屬西河郡。一屬北海郡。北海爲侯國。二黃縣。一屬東萊郡。一屬山陽郡。山陽爲侯國。二劇縣。一屬笛川國。一屬北海郡。北海爲侯國。一鄆縣。一屬沛郡。一屬南陽郡。南陽爲侯國。二平臺。一屬濟南郡。一屬常山郡。常山爲侯國。二平昌。一屬琅邪郡。一屬平原郡。平原爲侯國。二新昌。一屬遼東郡。一屬涿郡。涿郡爲侯國。二新市。一屬中山國。一屬鉅鹿郡。鉅鹿爲侯國。二成鄉。一屬高密國。一屬北海郡。北海爲侯國。二陰山。一屬西河郡。一屬桂陽郡。桂陽爲侯國。二海曲。一屬東海郡。一屬琅邪郡。二安邱。一屬北海郡。一屬琅邪郡。琅邪爲侯國。二歸德。一屬北地郡。一屬汝南郡。汝南爲侯國。二鍾武。一屬零陵郡。一屬江夏郡。江夏爲侯國。二宜春。一屬豫章郡。一屬

汝南郡汝南爲侯國陽樂一屬遼西郡一屬東萊郡東萊爲侯國二駟望一屬樂浪郡一屬琅邪郡琅邪爲侯國二定陶一屬濟陰郡一屬定襄郡二臨朐一屬齊郡一屬東萊郡有三曲陽一屬東海郡一屬交趾郡一屬九江郡九江爲侯國三建成一屬豫章郡一屬勃海郡一屬沛郡沛郡爲侯國三安定一屬安定郡一屬交趾郡一屬鉅鹿郡鉅鹿爲侯國又東海有二平曲一爲侯國顏師古曰蓋各以相近爲名也然多有絕不相近者

志于列侯封邑並注侯國然多有不注者如河東之猗氏陳遼國汾陰周昌國長修杜恬國平陽曹參國絳周勃

狐軒者國太原之鄆劉鈞國汾陽斬強國上黨之壺關呂武國河內之汲上國河陽陳涓國共旅罷國平泉劉它國軹

李李朔國隆慮陳融國河南之中牟車國平張唐國開封陶舍國東郡之黎召奴國清室中國須昌趙野國樂昌王武

陽平呂青國陳留之外黃淮陽國穎川之襄城韓嬰國舞陽樊噲國穎陰灌嬰國偃陵朱洪國汝南之陽

牛丁明國吳房楊武國汝陰夏侯國期思貞赫國慎陽樂說國定陵淳子國南陽之杜衍王肅國涅陽呂曉國山都王恬國棘

陽杜得國葉長沙定王國南郡之卽忠黃國江夏之軹朱安陸國安陸楚思王國九江之東城淮南國王阜陵淮南國王

父尹汲國溧陽梁敬王國東鄉梁敬王國臨都梁敬王國魏郡之梁期任破國武始趙敬肅王國陰安濟北貞王國武

安田盼及楚思子國鉅鹿之南蘇趙敬肅王國廣阿任敬國宋許廣國黃梁敬王國堂陽孫赤國常山之部趙敬肅王國

清河之縣江喜 棗圃廣川惠王 涿郡之通陸強 故安中屠嘉 范陽范代 容城徐盧 易趙敬肅王 鄭高郭侯

封安平國郭秋 中水呂馬 勃海之陽信呂青劉 重今莽通 南皮章彭 章武章廣 中邑朱進 平原之祝阿高

國齊悼惠王 辟光及千乘之樂安東平思王 高昌董忠 高宛丙籍 延鄉李譚 濟南之梁鄒武虎 秦

山之柴齊孝王 蓋王信及河間 乘邱中山靖王 富陽六安夷王 式城陽荒王 齊郡之廣河間獻

及當川學廣饒 當川靖王臨朐 子當川 臺鄉當川 北海之營陵劉澤 都昌朱 東萊之平度當

王子便 廣饒當川 臨朐子 臺鄉當川 北海之營陵劉澤 都昌朱 東萊之平度當

行國朱虛 章初封國東莞 子古 昌城陽 項王東海之蘭陵 廣陵孝王 戚手必 費陳賀 臨淮之盱台

郭蒙朱虛 章初封國東莞 子古 昌城陽 項王東海之蘭陵 廣陵孝王 戚手必 費陳賀 臨淮之盱台

江都易王射陽 劉繡淮陵 子定 國下相 冷耳西平 堂邑陳嬰 會稽之陽羨靈常 無錫多軍 丹楊

之秣陵江都易王 句容長沙定王 丹陽江都易王 胡執江都易王 豫章之建成長沙定王 海昏昌邑王

色桂陽之便 吳淺武陵之沅陵 吳陽義陵 吳鄆零陵之夫夷 長沙定王洗陽 子狩 燕國廣漢之汁邠 雍

國魏為之江陽 蘇息南安 國西河之皋狼 子遷 國南 代共 王子 千章子 遇國 離石子 綰國 隰成子 共

忠土軍 代共 王子 代郡之廣昌子 賀國 遼西之海陽子 肥如國 廣平國之張子 綰國 隰成子 共

國曲周 鄆南 曲清河 王平利 子世 國平鄉 子壬 國中山 之北平張蒼 深澤趙 安國趙 共王

子吉 曲逆陳 平安險中山 靖王信都 之扶柳呂平 辟陽齊 食南宮 張買 廣川中山 靖王桃 良廣川 及劉 襄王

脩內亞夫國。河開之弓高。轉廣陽之方城。廣陽膠東之壯武。宋昌城陽之陽都。丁復淮陽之陽夏。陳

國。東平之樊。蔡兼楚國之留。張良武原。衛肱廣陵國之廣陵。城陽共王六安之蓼。孔聚長沙之承陽。長

定王子昭陵。長沙定王茶陵。長沙定王容陵。長沙定王

藝文志。論語文選十卷。注云：多問王知道，如澹曰：多問王知道，皆篇名。案文衍一多字。

高五王傳。齊宣王。案文：六當爲七。史記：哀王元年，惠帝崩，諸侯王表。孝惠七年，哀王襄嗣。

齊哀王襄。孝惠六年嗣立。案文：六當爲七。史記：哀王元年，惠帝崩，諸侯王表。孝惠七年，哀王襄嗣。

陳平傳。陳平。案文：平爲左丞相。案紀：參實以五年八月薨。此傳冒下爲文耳。

周昌傳。周昌。案文：沛公以周苛爲客，從入關。沛公爲漢王，苛爲御史大夫。案百官表：苛曾爲內史。傳失之。

張歐傳。張歐。案文：元朔中代韓安國爲御史大夫。案公卿表：事在元光四年九月。傳誤。又景五年，歐爲奉常。武建元元

年爲中尉。傳失之。

讀史舉正 卷一

一五



灌夫傳。

元光四年春田蚡言灌夫橫請案之夏蚡取夫人別侯往賀夫罵坐云云五年十月悉論灌夫寶嬰死十二月晦乘市案武紀嬰以元光四年冬乘市三月蚡薨百官表蚡薨亦在四年三月然則此傳四年當爲三年五年當爲四年

李息傳。

百官表元朔三年下中尉李息案息傳失之。

董仲舒傳。

太平御覽文部十七引漢書曰董仲舒作曲臺后蒼之書禮射之書今書本傳無又學部五引漢書曰董仲舒學十年不窺園圃乘馬三年不知牝牡今書作三年不窺園無乘馬句

公孫宏傳。

太平御覽文部十七引漢書曰公孫宏著公孫子言刑名謂字直百金也今漢書宏傳無此藝文志但云公孫宏十篇入儒家者流

王商傳。

商涿郡蠡吾人案外戚傳宣帝求得外祖母王媪媪言家本涿郡蠡吾平鄉嫁爲廣望王迺始婦產子

男無故武。然則商爲武子。乃廣望人。非蠡吾也。

趙禹傳。

百官表。元光六年。中大夫趙禹爲中尉。案禹傳失之。

王莽傳。

地皇四年三月辛巳朔。劉聖公爲帝。改元爲更始元年。案文三當爲二。後漢光武紀。辛巳在二月。下有三月也。

喋血而進。案通鑑喋作蹀。注師古曰。蹀音大頰翻。謂履涉之也。三輔黠共殺其主。案通鑑引此。三輔下有兒大二字。文意乃足。



# 讀史舉正卷二

後漢書

光武帝紀

春陵注故城今在隨州棗陽縣案文今在當爲在今

鬱林注今郴州縣案唐志止有鬱林州鬱林郡及鬱平縣郴州所隸無鬱林

地皇三年注天鳳六年改爲地皇案文六當爲七前書王莽傳天鳳六年明年改元地皇

伯升招新市平林兵注新市縣屬江夏郡案續漢志江夏有南新市縣以別於中山國之新市也漢兵

起時未爲縣

更始元年正月甲子朔案下文二月有辛巳則正月朔日非甲子前書王莽傳三月辛巳朔十月戊申

朔皆誤以范書隗囂傳七月己酉朔推之通鑑書二月辛巳朔六月己卯朔九月戊申朔是也

納言注引前書非本文書下當有音義二字

清陽注縣屬南郡案文南下當有陽字

太常注應劭曰欲令國家盛大社稷常存案前書顏師古注太常王者旌旗禮官主奉持之故曰奉常

後改太常尊大之義也。勅此說謬。

三月，狗昆陽定陵鄴，皆下之。案前書莽傳，在是年四月。又注昆陽故城，在今許州葉縣北。案通鑑注引此注，北下有二十五里四字。

五月，自昆陽與李軼等十三騎出收兵。六月，破王尋王邑，會伯升爲更始所害。光武自父城詣宛謝，然則伯升見殺時，李軼尙在光武軍中，而宗室四王傳軼乃與朱鮪勸更始害伯升，事亦互異。鉦鼓之聲，聞數百里，當從袁紀作數十。

九月庚戌，三輔豪傑共誅王莽。案前書莽傳，事在十月，且明曰十月戊申朔三日庚戌也。又豪傑注云賢萬人曰傑，於文賢下少過字。

司隸校尉注引前書秩比二千石，案前書作二千石，比二千石，則後漢制也。

佐史注縣各置諸事曹史，案百官志作諸曹掾史，此事字誤。

趙繆王子林，案前書景十三王傳，武帝立趙敬肅王小子偃爲平干王，十一年薨，子繆王元嗣。諸侯王表，繆王元五鳳二年薨，然則趙無繆王，乃平干繆楚也，而自元之薨，推至更始元年，已七十九年，安得尙有子存乎。又注云繆王景帝七代孫，尤誤。王固景帝曾孫也。

二年，北徇薊，注屬涿郡。案前書地理志，薊屬廣陽國，郡國志屬廣陽郡，皆無屬涿郡之文。

饒陽注屬安平國。案饒陽此年尙屬涿郡。安平尙名信都。

王莽和戎卒正邳彤當從彤傳戎作成。

赤眉別帥與大彤青犢十餘萬衆在射犬。案耿純傳尙有上江鐵脛五幡。

光武北擊尤來大搶五幡於元氏。追至右北平。連破之。案馮異傳破鐵脛於北平。

建武元年遣耿弇等十二將軍追戰於路東。案弇傳二當爲三。

到南平棘。案前書志及續漢志皆無南字。

三年三月彭寵陷薊城。十一月涿郡太守張豐反。案朱浮傳豐反在寵未陷薊之前。紀誤。

十九年注漢官儀云光武於成帝爲兄弟。於哀帝爲諸父。於平帝爲祖父。然則宣帝爲曾祖。案哀平皆

元帝庶孫。於光武皆從子也。不得言祖父。元帝於光武爲諸父。則宣帝乃從祖耳。亦不得言曾祖也。

二十三年九月陳留太守玉況爲大司徒。二十七年四月大司徒玉況薨。而謝承書曰況爲陳留太守。

永平十五年蝗蟲起泰山。過陳留界不集。章和元年詔以況爲司徒。其書年之誤甚矣。謝承見漢廷傳注廷傳與本紀

合案廷爲明帝初太尉。況爲陳留太守。嘗辟之。則况非章和中司徒可見矣。

### 章帝紀

建初四年是歲甘露降泉陵洮陽二縣。五年八黃龍見於泉陵。案論衡恢國篇云建初四年甘露降五

縣六年黃龍見凡八。

章和二年帝崩年三十三案文三當爲二帝卽位時年十九次年改元建初至此凡十三年時帝年三十二。

順帝紀

永和四年封故濟北惠王壽子安爲濟北王案惠王傳作安國。

建康元年揚徐盜寇城邑遣御史中丞馮敕討之案敕當作緄緄本傳拜御史中丞順帝末督揚州諸郡軍事擊破羣賊。

桓帝紀

本初元年閏月庚寅卽帝位案此閏六月也。又太后猶臨朝政案文當云臨朝聽政。

延熹三年十二月武陵蠻寇江陵車騎將軍馮緄討皆降散荆州刺史度尙討長沙蠻平之案緄傳長沙蠻屯聚積久至延熹五年零陵武陵蠻賊悉反於是拜緄爲車騎將軍討之尙傳延熹五年長沙零陵賊衆漸盛荆州刺史劉度擊之軍敗詔舉代度者朱穆舉尙擢爲荆州刺史進擊大破之然則緄尙出師並在五年此三年冬緄未爲車騎將軍尙亦未爲荆州刺史也此紀於五年冬又云以馮緄爲車騎將軍討之可徵前文之誤矣。

靈帝紀。

光和元年袁滂爲司徒。注滂字公喜。案袁宏漢紀作公熙。

中平五年益州黃巾馬相攻殺刺史郗儉。案郗當作卻。乃卻正祖也。見蜀志劉焉傳注。

六年帝崩。年三十四。案文四當爲三。帝卽位年十二。是年改元建甯。至此凡二十二年。時帝年三十三。章德竇皇后紀。

竇勳尙東海恭王疆女沘陽公主。后其長女也。案公主爲帝從姊。后乃帝甥。今以爲配。不異惠帝之於張后矣。

五行志。

世祖自河北興。案光武紀注續漢志曰。光武由河北而興。是得之也。此脫是得之也四字。

郡國志。

潁川郡輪氏。建初四年設。案前書地理志。潁川已有此縣。但輪作輪耳。

常山國有都鄉縣。又汝南郡西平縣有都鄉。安帝時。鄧訓子宏爲西平侯。宏卒。子廣德嗣。分西平之都鄉。封廣德弟甫德爲都鄉侯。見訓傳。又隰城縣。注在縣西北四十里。案此句當在上平棘縣有塞句下。誤入此。



中山國蠡吾下云侯國。故屬涿。案蠡吾之爲國。自河閒孝王開子翼始。永建五年。開上書。願分蠡吾以封翼。帝從之。翼卒。子志嗣。是爲桓帝。建和二年。更封帝兄。頗爲平原王。以涿郡之良鄉。故安。河間之蠡吾。爲湯沐邑。然則蠡吾。故屬涿。而後入河閒。志入中山。未知何所準。

河閒郡。注世祖省屬信都。永元三年復故。案文三當爲二。和帝永元二年五月。分樂成涿郡。勃海爲河閒國。封弟開爲河閒王。紀傳並同。開傳至裔孫陔。魏受禪國除。則河閒仍當稱國。不爲郡也。

泰山郡有華平陽二縣。志失載。案三國志。魏武本紀。初平四年。陶謙取泰山華費。又本紀注。世語云。太祖父嵩。辟難在泰山華縣。又三國志。鮑助傳。助。泰山平陽人。平陽。前書地理志。作東平陽。

山陽郡昌邑。注左傳。莊三十二年。遇於梁邱。案文。遇上少宋齊二字。又高平。注左傳。隱九年。費伯城郎。杜預曰。縣東南有郁郎亭。案今傳。無費伯二字。及杜注。又方輿武唐亭。注左傳。桓二年。盟於唐。杜預曰。在西南。案杜此注。在隱二年。盟唐之下。云高平方與縣有武唐亭。此云在西南。誤。

濟南郡臺。卽前漢平臺。鄒平卽前漢深陰。春秋齊之鞏邱也。平原郡濕陰。案濕音習。卽前漢深陰。春秋齊之鞏邱也。

南陽郡上唐鄉。注下江兵荊州軍。案文。兵下少破字。

漢陽郡獮道。注史記秦孝公西斬戎王。當云戎之獮王。又羌道下。失注故屬隴西四字。

朔方郡以西河郡大城縣來屬。省前漢脩都臨河呼遼寧渾渠搜五縣。志失載。

遼西郡。省前漢且慮新安平柳城狐蘇文成柰六縣。志闕。

志失書侯國。潁川之潁陽父城。梁不疑爲潁陽侯。見梁志朱浮封父城侯。見浮傳汝南之西平吳房。梁蒙爲

西平侯。見梁志陰識孫綱封吳房侯。見識傳陳留郡之襄邑。梁冀子允封襄邑侯。見冀傳東郡之燕及臨邑。樊

儵封燕侯。見儵傳北海王興子復爲臨邑侯。見宗室傳東平國之壽張。樊宏封壽張侯。見宏傳廣陵郡之射陽。

樊宏弟丹爲射陽侯。見宏傳下邳國之高山。梁統封高山侯。見統傳

### 百官志

尙書成帝初置四人。案漢官儀。尙書乃武帝置。成帝加一人爲五。此云成帝誤。

### 劉元傳

王匡等數月閒人七八千人。案文。上人當作至。

轉擊安陸。注安陸郡屬江夏郡。案文。上郡當作縣。王匡張卬等號新市兵。而王常傳卬乃與成丹等爲

下江兵。

李軼爲舞陽王。案李通及耿純傳。作舞陰爲是。

陰平王。注陰平縣屬廣漢國。案文。國當爲郡。

封灌澤侯案文灌當爲漢

王昌傳

攻柏人不下乃引兵東北圍鉅鹿案柏人卽今順德府唐山縣鉅鹿在其東南傳云東北誤

盧芳傳

芳安定三水人也居左谷中注續漢志曰三水縣有左右谷案郡國志無右字疑衍

隗囂傳

民坐挾銅炭沒入鍾官注人犯鑄錢傳詣鍾官八十萬數案莽傳八作以

齊武王縝傳

留輜重於藍鄉注比陽縣有藍鄉案郡國志棘陽有藍鄉此云比陽當是章懷据唐縣言之下宜秋聚

注亦同

嚴尤陳茂引欲據宛案文引下少兵字

宗人劉稷擊魯陽注魯陽屬南郡案文南下脫陽字

城陽恭王祉傳

封於零道之春陵鄉案文零當爲冷

族兄安衆侯劉崇。案安衆康侯丹與春陵節侯買皆長沙定王子。崇爲丹元孫之子。社爲買元孫。則崇乃其從子也。

不得官爲吏。案文官字衍。

王常傳。

常引軍北至宜秋。注續漢志曰。南郡有宜秋聚。案今范書郡國志。卽續漢志也。志云南陽郡平氏縣有宜秋聚。此注當由失陽字耳。

此所以祐吾屬也。案文。此下失天字。

常別徇汝南沛郡。還入昆陽。與光武破王尋王邑。案漢兵初起時。劉望略有汝南。又其時方徇下潁川諸邑。亦未得遠至沛郡也。

鄧晨傳。

往時會宛。獨當應邪。案文。會宛下當有語字。袁紀宛下言倘能應耶。

鄧禹傳。

追賊至滿陽。陳後傳作清陽案滿當爲蒲。蒲陽山。蒲水所出。在中山曲遂縣。章帝改縣曰蒲陰是也。見地理志。

注。

封爲鄴侯。注鄴縣今屬南陽郡。案文多今字。注所云今皆唐也。唐書地理志南陽無鄴縣。

鄧訓傳

永平中理庫沱石臼河。案理本爲治。唐避高宗諱改。又注石臼河解見明紀。案明紀無見章紀。迷唐伯父號迷吾。案上云迷吾子迷唐。又西羌傳迷唐乃迷吾之子。迷吾有弟號吾。降訓。据此當爲號吾。迷字衍。但伯父與弟不相應耳。

鄧隲傳

元初四年封京子珍爲陽安侯。案鄧禹子珍爲夷安侯。京子乃其從孫。不應犯其名。疑誤。徒封隲爲羅侯。注羅縣屬長沙國。案郡國志長沙爲郡。

禹曾孫香子女爲桓帝后。案皇后紀后乃香女。此文子字衍。

寇恂傳

復封捐庶兄壽爲浚侯。注浚縣屬沛郡。案志沛爲國。

岑彭傳

彭降更始封歸德侯。注歸德縣名。屬北地郡。案此特以其歸命而封以空名耳。非必有食邑也。郡國志北地郡無歸德縣。

賈復傳。

不能相施。案通鑑作必能相用爲是。

陳俊傳。

以宗室劉嘉爲太常將軍。案宗室四王傳及劉元傳俱作大將軍。太常將軍乃劉祉也。

耿弇傳。

會王郎詐稱成帝子與。案子下尙少一子字。

留署門下吏。案吏當爲史。

饒期傳。

援兵二千人。案文援當作授。

攻拔樂陽棗肥壘。案棗下少城字。

王霸傳。

光武過潁陽。霸遂從。破王尋王邑。案本紀破尋邑後乃狗下潁陽。傳非是。

光武南馳至下曲陽。及至度沱河。案本紀下曲陽在度沱河之後。

任光傳。

刁子都起兵鄉里。案前書王莽傳及姓譜。刁俱作力。起兵。莽傳在天鳳五年。

李忠傳。

忠字仲都。案袁紀字仲卿。

父爲高密都尉。注郡國志高密侯。案文侯下少國字。

劉植傳。

植。鉅鹿昌成人也。案植前漢末人。前書地理志昌成屬信都。

耿純傳。

奉迎於育。注育縣名。案前書地理志河北諸郡無育縣。疑是地名。

王梁傳。

梁。漁陽安陽人。案前書地理志五原郡有西安陽。代郡有東安陽。漁陽無此縣。當是要陽之誤。

建武二年。以中郎將北守箕關。案水經注引此箕關下尙有天井關也。

堅鐔傳。

或薦鐔者。因得召見。以其吏能。案文鐔下多者字。其下少有字。

馬武傳。

武往從之。從入綠林中。案文重一從字。

與尙書令謝躬共攻王郎。案光武紀作尙書僕射。

馬援傳。

建武十七年。拜援伏波將軍。南擊交趾。十八年春。軍至浪泊上。與賊戰。破之。追至禁谿。賊散走。明年正月。斬徵側徵貳。傳首洛陽。紀十八年夏四月。遣伏波將軍馬援擊交趾賊。十九年夏四月。馬援破交趾。斬徵側等。傳紀歲月互異。袁宏後漢紀遣擊歲月與范書紀同。

鄧暉傳。

暉爲上東城門候。帝出獵。夜還。暉不內。帝迴從東中門。百官志作中東門。入。謝承書何湯守開陽門候。帝微行。夜還。湯不內。更從中東門入。二書不同。疑當爲一事。傳聞異辭耳。

楊厚傳。

永初二年。太白入北斗。案天文志事在三年。

蘇章傳。

祖父純爲奉車都尉。竇固軍出擊匈奴。有功。案文都尉下少從字。

章爲武原令。注云武原縣屬楚國。案郡國志楚國章帝改彭城國。章爲令。在安帝時。不當仍云楚國也。



羊續傳。

續泰山平陽人。案地理志泰山郡有東平陽。郡國志無。是漢末已省此縣。又晉書羊祜傳及景獻羊后傳。並云泰山南城人。南城之屬泰山郡。見郡國志。則平陽當爲南城。

賈琮傳。

舉孝廉。再遷爲京兆令。案京兆非縣。此云令誤。

陸康傳。

少子續博學善政。見稱當時。下又云有名稱。複矣。

樊宏傳。

十三年。封弟丹爲射陽侯。注引水經注。凡射字皆當作謝。

陰識傳。

別降胡陽。案文。胡當爲湖。

馮魴傳。

老親弱弟。皆賊城中。案皆下文有脫。

魴孫石與太尉劉喜錄尚書事。案本紀喜作熹。

安帝拜石子世爲黃門侍郎。世第二人皆郎中。石卒。子代嗣。代卒。弟承嗣。劉攽刊誤曰。世本名代。後人見其名。疑以爲避太宗諱所改。遂還作世。而忘其後尙作代也。所以知世卽代者。長子自然嗣立也。案章懷注范書。多不諱世字。卽此文上云石能取悅當世可證。竊謂代及承。卽所謂世第二人也。嗣立固必長子。然安知世不先父卒乎。

鄭宏傳

宏爲太尉。在位四年。案本紀。元和元年八月。宏爲太尉。三年四月免。不得云四年也。

梁統傳

統封成義侯。案成義當爲義成。義成。世祖時屬沛。後屬九江郡。他郡無此名。

統今所定。不宜開可。案晉書刑法志。作不可開許爲是。

梁冀傳

多從娼妓。案劉攽曰。妓當作婦。劉說未是。

曹爽傳

元和二年。上疏請定漢禮。明年下詔曰。朕以不德。膺祖宗宏烈。乃者鸞鳳仍集。麟龍並臻。甘露宵降。嘉穀滋生。赤草之類。紀於史官。朕夙夜祇畏。無以彰於先功。案章帝紀。元和四年。改元章和。詔仍用此文。

不嫌雷同耶。

拜褒侍中。從駕南巡。案本紀。元和三年。北巡狩。此傳所言。正三年事。不得云南巡也。

鄭衆傳。

作春秋刪十九篇。案公羊疏云。衆作春秋長義十九條。疑卽此。

賈逵傳。

臣謹繡出左氏三十事。尤著明者。案公羊疏云。逵作長義四十一條。

桓榮傳。

揚州從事。舉宏。注謝承書曰。舉宏。吳郡人。案吳郡。順帝置。榮時乃會稽郡耳。郡當爲縣。

樂羊食子。西巴放麀。注並解見吳漢傳。案今本漢傳無此。

桓典傳。

國相王吉被誅。典棄官收斂歸葬。服喪三年。案本傳。典於吉非師生及舉將。於義不當有此。或緣他故。

史失之矣。

丁鴻傳。

父緄。徙封陵陽侯。案文。當有鄉字。緄求封鄉亭。初封新安鄉。後子鴻。又徙封魯陽鄉。再徙馬亭鄉。明陵。

陽亦爲鄉也。

法雄傳。

永初四年，徵雄爲青州刺史。在州四年，遷南郡太守。在郡數歲，初平中卒官。案永初至初平，幾八十年，雄安得尙在，必爲元初字之誤耳。

劉平傳。

平，楚郡彭城人。案後漢楚未嘗爲郡，郡字當作國。

趙孝傳。

梁郡車成，案郡當作國。

劉愷傳。

太尉馬英策罷，案安帝紀，建光元年七月，太尉馬英薨，非策免也。

朱穆傳。

追贈益州太守，案文選廣絕交論注，贈益州刺史，此云太守，誤也。

袁安傳。

拜楚郡太守，案前漢時，楚本國，未嘗爲郡，安於是時治楚王英獄，偶改爲郡耳。

千乘正王伉傳。

伉孫鴻，改封勃海，薨，無子。梁太后立蠡吾侯惺奉鴻祀。注：惺，河間王開孫也。案：伉與開並章帝子，是以從兄弟爲後也。

清河孝王慶傳。

王女十一人，安帝封侍男爲涅陽長公主，別得爲舞陰長公主，久長爲濮陽長公主，直得爲平氏長公主。餘並早卒。案：班超傳，超孫始，尙清河孝王女陰城公主。此在涅陽四主之外。順帝時尙存，不得云並早卒也。或疑陰城爲舞陰之誤，然舞陰乃鄧禹元孫寔所尙，見禹傳。

濟北惠王壽傳。

永和四年立，戰鄉侯安國爲濟北王，立十年薨。案文當爲七。質帝紀，永嘉元年四月，濟北王安薨。距永和四年止七年耳。

左雄傳。

雄，南郡涅陽人。案文郡當爲陽。

陽嘉元年，詔試明經者補弟子。案：順帝紀，明經下有下第二字。

諸王國郎者百三十八人。案：者字衍。

雄上言孝廉年不滿四十不得察舉自是迄於永熹察選清平案漢時無永熹年號熹當爲嘉字之誤  
周舉傳

延熹四年辟司徒李邵府案邵爲司徒在延光四年四月熹爲光之誤

黃尚字河伯河南郡人案順紀注尚字伯河南郡即人此河字衍又伯河之河疑當爲和  
荀淑傳

再遷當塗長注當塗故城在今宣州案漢之當塗故城在今懷遠縣東七里在唐爲鍾離縣地去宣州  
遠甚其在宣州者當是江左僑立淮南郡及當塗縣耳注誤

竇武傳

封槐里侯五千戶案文五上當有邑字

何進傳

中平五年置西園八校尉以小黃門蹇碩爲上軍校尉虎賁中郎將袁紹爲中軍校尉屯騎都尉鮑鴻  
爲下軍校尉議郎曹操爲典軍校尉趙融爲助軍校尉淳于瓊爲佐軍校尉又有左右校尉案袁紹傳  
注山陽公載記上四校尉同下云趙融爲助軍左校尉馮芳爲助軍右校尉諫議大夫夏牟爲左校尉

鴻于變爲右校尉。與此傳互異。又紹傳以紹爲佐軍校尉。與此傳及載記異。三國志紹傳作中軍校尉。與此傳同。

袁紹傳

父成。五官中郎將。紹壯健。好交結。大將軍梁冀以下莫不善之。案三國志注英雄記曰。袁成壯健。有部。分。自梁冀以下皆與結好。攷冀傳以延熹二年被誅。而紹於靈帝末始爲司隸。上距冀在時已三十年。紹公卿子弟。不應晚達。以年校之。紹不及交冀。理當爲成。記言是也。且范書全用記語。於郎將下誤增紹字耳。又華嶠書成。左中郎將。

幅耕柴穀。案廣絕交論李善注作幅耕比穀。

劉焉傳

龍撫納離叛。務存寬惠。而陰圖異計。案撫納三語。皆屬焉。以云龍之所爲。則無謂矣。蜀志無龍字。屯兵胸臆備表。注屬蜀郡。案兩漢胸忍。並屬巴郡。非蜀郡也。

呂布傳

從張楊於河內。諸將皆欲圖之。布懼走。投袁紹。破燕軍後。將士暴橫。紹患之。布不自安。求還洛陽。紹遣壯士送布。陰使殺之。布潛遁。遂歸張楊。案三國志呂布傳。稱既拒布。布卽北詣袁紹。去紹乃走河內。此

當以志爲正。

曹騰傳。

穎川堂駱趙典等案續漢書作堂駱典爲是。此誤衍趙字。

雷義傳。

義字仲公。案文選廣絕交論注作字仲預。



（一）上海 上海為中國最大之通商口岸，其地居江海之衝，交通便利，商賈雲集，為中國之經濟中心。自開埠以來，其發展之速，實為他埠所不及。現已成為中國最大之工業、商業及交通中心。

### （二）天津

天津為中國北方最大之通商口岸，其地居海河之衝，交通便利，商賈雲集，為中國北方之經濟中心。自開埠以來，其發展之速，實為他埠所不及。現已成為中國北方最大之工業、商業及交通中心。

### （三）漢口

漢口為中國中部最大之通商口岸，其地居長江之衝，交通便利，商賈雲集，為中國中部之經濟中心。自開埠以來，其發展之速，實為他埠所不及。現已成為中國中部最大之工業、商業及交通中心。

### （四）廣州

廣州為中國南方最大之通商口岸，其地居珠江之衝，交通便利，商賈雲集，為中國南方之經濟中心。自開埠以來，其發展之速，實為他埠所不及。現已成為中國南方最大之工業、商業及交通中心。

# 讀史舉正卷三

## 三國志

武帝紀

曹騰封費亭侯。注續漢書曰。益州刺史种嵩於函谷關。搜得其牋。案後漢書曹騰傳作斜谷。開爲是。函谷非益州至長安道也。

非命世之才。不能濟也。注孫盛異同雜語云。許子將曰。子治世之能臣。亂世之姦雄。案范書許劭傳曰。君清平之姦賊。亂世之英雄。

冀州牧韓馥。注英雄記曰。治中從事劉子惠。案范書袁紹傳作劉惠。

冀豫兗刺史及河內渤海陳留東郡山陽太守濟北相。同時俱起兵。案范書袁紹傳。尙有廣陵太守張超。

建安二十年。省雲中定襄五原朔方郡。合以爲新興郡。案晉書地理志。省定襄雲中五原朔方上郡等五郡。立新興郡。

明帝紀

司馬宣王率衆討遼東。注于寶晉紀曰：必先拒遼水，後守也。案通鑑守下當有襄平二字。  
三少帝紀。

嘉平元年正月丁未，以司馬宣王爲丞相，固讓乃止。案晉書宣帝紀在二月。

三年秋七月戊寅，司馬宣王薨。案晉書宣帝紀戊寅在八月。

正元二年正月乙丑，毋邱儉文欽反。戊戌，司馬景王征之。癸未，郭淮薨。案上書乙丑，下書癸未，則中不當有戊戌也。晉書作戊午，通鑑從之。然則乙丑誤耳。

甘露元年八月庚午，司馬文王加號大都督。案晉書文帝紀作八月庚申。

景元五年乙卯，以鄧艾爲太尉。鍾會爲司徒。案五年卽咸熙元年也。鄧艾鍾會傳及晉書文帝紀皆在四年十二月。況乙卯在壬子癸丑之下。此文不書月，明當屬上段。五年二字誤也。

咸熙元年正月壬辰，檻車徵鄧艾。案壬辰當爲壬戌。以下有甲子壬申日也。據鍾會傳正月十五日至成都，通鑑作丙子，則壬戌乃此月朔日。

二年四月，吳遣使紀陟宏瑒請和。案吳志及通鑑俱在是年三月。惟晉書文帝紀書夏四月紀陟來聘。九月乙未大赦。乙亥葬晉文王。案乙未至乙亥相距四十一日，不應並在一月。此必有誤。通鑑從之亦非。以晉秦始皇二年七月丙午晦逆推之，則咸熙二年九月當無乙未也。

袁紹傳

四世居三公位。注華嶠漢書曰：京子陽太尉。案范書袁安傳：京子彭，彭弟湯，累遷司徒太尉。

紹斬宦者所署司隸校尉許相。案范書何進傳：相乃宦者所署河南尹。其司隸校尉，則故太尉樊陵也。

侍中周芝。案范書紹傳：侍中周玘。

曹真傳

封真弟彬爲列侯。案下爽傳注引列女傳云：爽從弟文叔，文叔疑是彬字。文義與彬合，然則此云真弟。

弟下宜有子字。

荀彧傳

號曰八龍。注張璠漢紀曰：儉緄靖齋說爽肅勇。案後漢書荀淑傳：說作汪。

袁渙傳

渙，陳郡扶樂人。案郡國志：郡當作國。乃淮陽國所改。梁習傳：習，陳郡柘人，亦當作陳國。

鄭渾傳

渾，高祖父衆爲名儒。兄泰爲揚州刺史。案後漢書鄭泰傳：泰，司農衆之曾孫。志言渾於泰爲兄弟，則衆

當爲渾曾祖父也。

陳羣傳

比漢文景之時。不過一大郡。注漢書地理志云。元始二年天下戶口最盛。汝南郡爲大郡。有三十餘萬戶。案今本漢書地理志。無此數語。汝南郡下。但云戶四十六萬一千五百八十七。

鍾會傳

全琮。子惲。孫靜。從子端。翻。誦等。案晉書文帝紀。全端。兄子。禕。及儀。然則惲與端。翻。誦。皆從兄弟也。此云從子。蓋就琮而言。通鑑誤以端爲惲之兄子。緣止據此傳。未參考晉書耳。

管輅傳

王經使輅卜。注輅別傳曰。彥緯斂手謝輅。案彥緯蓋經字也。

過毋邱儉墓下。案文。墓上當有祖字。

劉焉傳

并州殺刺史張益。梁州殺刺史耿鄙。案范書靈帝紀。張益作張懿。梁州作涼州。

扶亦求爲蜀郡西部屬國都尉。及太倉令會巴西趙睦。乘官俱隨焉。案會字衍。與上文不接。通鑑作太

倉令趙睦。

涼州逆賊馬相趙祗等。於綿竹縣自號黃巾。案范書靈帝紀作益州黃巾。馬相爲是。涼州則去綿竹遠。

矣。

殺州中豪強王咸李權等。案范書焉傳注引此。咸作威。又注益部耆舊難記曰。李權子福。見楊戲輔臣贊。案蜀志楊戲傳。所贊有李孫德。卽福也。

焉及範與騰通謀。案騰與範謀誅李儻耳。何得云及。

劉璋傳。

兄瑁。平寇將軍。案上焉傳言小子瑁。則非璋兄矣。此誤。

焉璋傳評注未有鄉亭之爵。案先主傳。中山靖王子貞。元狩六年封陸城亭侯。則武帝時有亭侯矣。

吳主權傳。

黃武元年正月。陸遜等攻蜀軍。自正月至閏月。大破之。案蜀書先主傳。章武二年卽黃武元年夏六月。陸議

卽大破先主軍於猊亭。則非閏月也。

孫皓傳。

不白妖言。注疇之事。明府何憂。案通鑑作疇在明府何憂爲明。

周瑜傳。

瑜從祖父景。注張璠漢紀曰。景父榮爲尙書令。案後漢書周榮傳。榮子興。興子景。興爲尙書郎。事具榮

傳中景別有傳據此則榮當爲景祖父也。

呂蒙傳

蒙汝南富陂人案富陂兩漢志俱作富波。

孫奮傳

建衡二年訛言奮與上虞侯奉當有立者案孫皓傳會稽妖言奮當爲天子在鳳凰三年此言建衡疑誤。

孫皓左夫人王氏卒案江表傳皓以張布女爲左夫人及死皓哀愍思念半年不出國人皆謂皓已死然則左夫人非王氏也通鑑從此非是。

樓元傳

遂用元爲宮下鎮禁中侯案通鑑無禁中侯三字。

晉書

宣帝紀

建安六年郡舉上計掾魏武帝爲司空聞而辟之案文六當爲元三國志武紀建安元年十月拜司空從討張魯從討孫權下云魏國既建遷太子中庶子案操肆魏國在建安十八年征魯在二十年征吳

在二十一年此文前後乖錯。

魏武以荊州遺黎及屯田在潁川者逼近南寇案南寇謂吳潁川未爲逼近通鑑作漢川是也。

諸葛亮圍賈嗣魏平於祁山案漢晉春秋云賈栩魏平數請戰通鑑則嗣當爲栩。

李勝候帝帝曰年老枕疾案魏末傳作沈疾爲是桓範赴曹爽蔣濟言於帝曰智囊往矣帝曰驚馬戀

短豆云云案魏志爽傳注引干寶紀智囊一語屬帝驚馬一語屬濟此紀異者當由晉史臣易之凡有

謀識歸美於帝耳。

改諡文宣案文帝紀作宣文魏志及宋書禮志皆同

景帝紀。

齊王廢舍河內之重門案魏志營齊王宮於河內重門制度如藩國之禮通鑑亦以河內爲句然則重門非地名也。

正元二年正月毋邱儉文欽舉兵反二月渡淮戊午帝征之倍道兼行甲申次灑橋旣而儉欽敗閏月

辛亥帝崩案魏志儉欽反在正月乙丑戊午在乙丑前七日又距甲申二十六日洛陽去淮南不遠且

云倍道安得許久疑戊午當爲戊寅志作戊又志閏正月儉欽敗帝崩皆在是月此紀作閏二月未知

孰是通鑑不書乙丑而甲申屬閏正月當以長歷推而知之



文帝紀。

甘露元年正月，加大都督。六月，加九錫，假斧鉞，進號大都督。八月庚申，加假黃鉞。案魏志，錫袞冕赤舄，在四月，餘並在八月。又庚申作庚午，此紀都督假鉞之文，疊出有誤。

二年五月辛未，諸葛誕反，帝征之。七月，次於項。案魏志，反在乙亥，次項在六月。

全靜兄弟五人來降。案魏志，鍾會傳，全琮子擇、孫靜、從子端、翻、諝等來救誕。此紀所云五人是也。然擇係琮子，端、翻、諝係琮從子，擇、端、翻、諝四人爲兄弟，靜乃琮之孫，不得概云兄弟也。

景元元年五月庚寅，誅成濟。案魏志，在戊申。

諸葛誕破，全琮稽服。案助誕乃全端等，時琮亡久矣。

司空鄭沖勸進。案魏志，沖時已爲司徒。

咸熙元年七月，建五等爵。案魏志，在五月。

二年九月癸酉，葬文王。案魏志，在乙亥，通鑑從之。

武帝紀。

泰始二年二月丁丑郊祀。案下文有庚午，此疑爲乙丑。然本書禮志亦作丁丑，則是庚午有誤。

五月戊辰壬子。案下七月丙午晦，則五月無戊辰壬子日矣。又戊辰下距壬子四十五日，何得並在一

月

三年正月癸丑丁卯案上二年十月丙子朔則此二日當在二月通鑑丁卯入正月亦非下四年六月朔亦不應

甲申

四年十月吳將顧容寇鬱林太守毛旻破之斬其交州刺史劉俊將軍修則案陶璜傳交趾太守楊稷與將軍毛旻等出交趾破吳軍於古城斬修則劉俊通鑑亦云劉俊修則顧容三攻交趾稷拒破之鬱林九真皆附於稷稷遣毛旻董元攻合浦戰於古城殺修則稷表旻爲鬱林太守元爲九真太守然則修則死於合浦非鬱林容之攻鬱林非此時毛旻時亦未爲太守也

五年二月辛巳壬寅丁亥己未案辛巳距己未三十九日壬寅不得在丁亥上又下五月辛卯朔則壬寅己未皆當在三月

七年六月伊洛河溢案五行志作河洛伊沁皆溢又是月丙申地震紀闕

十月丁丑日有食之案天文志丁丑朔紀失書

八年夏五月旱蜀地雨白毛見五行志紀闕

九年二月立安平亭侯隆爲安平王案宗室傳作平陽亭侯爲是

四月辛未隔霜見五行志紀失書

五月旱案五行志自正月旱至於六月癸未始雨紀失書  
十年正月乙未日食四月旱紀失書

立太原王子緝爲高陽王案此太原王輔也時尙爲勃海王咸甯三年始徙太原

咸甯元年二月辛酉案上正月戊午朔則二月無辛酉

二年六月癸丑甲戌案上年七日甲申晦下年正月丙子朔則此年六月無癸丑甲戌況下七月又書  
癸丑乎此二日當在五月

三年八月大風拔樹案五行志此河閒事

十二月孫愼入江夏汝南案吳志在是年夏

四年三月辛酉案上正月庚午朔則三月不得有辛酉

六月陰平廣武地震案晉志無廣武縣而陰平郡有陰平平廣二縣疑爲平廣之誤

荆揚郡國大水案五行志當有司冀兗豫四字

杜預都督荊州誤書羊祜卒上

五年四月丁亥郡國八雨雹傷秋稼案正行志丁亥在五月而各郡國雨雹亦不在一月

太康元年三月壬申乙酉案上正月己丑朔則是月不得有此二日

六月丁丑案上五月有庚辰此書丁丑誤

二年二月辛酉濟南琅邪隕霜傷麥壬申琅邪雨雹傷麥三月甲午河東隕霜害桑五月郡國十五雨雹傷禾稼濟南暴風折木六月高平大風壞邸閣四十餘區紀並闕並見五行志

十月鮮卑慕容廆寇昌黎案通鑑考燕書作慕容涉歸

三年閏四月丙子癸丑案丙子距癸丑三十八日不得並在一月

四年正月書甲申戊午案甲申與戊午相距三十五日且上三年十二月已書甲申丙申等日而是年下三月又書辛丑朔則是月有戊午不當有甲申也

三月戊申有星孛于西南紀闕見天文志

五年五月丁巳隕石于溫及河陽各二紀失書見五行志

十二月庚午案下六年正月書庚申朔相距五十日庚午字疑誤

六年正月隕石于溫三六月滎陽汲郡雁門雨雹紀並失書並見五行志

八年三月熒惑守心九月有星孛于南斗紀闕

九年十二月立河間平王洪子英爲章武王案洪傳英作混

十年十二月庚酉壬戌案庚寅距壬戌三十三日不得在一月且下太熙元年正月書辛酉朔則庚寅

當在上年十一月而書壬戌于辛酉前尤倒置也。  
太熙元年司徒魏舒薨史失之。

惠帝紀。

永平元年案是年正月改永熙爲永平三月又改元康此文宜從後稱元康元年不應仍前稱永平又下文三月壬辰大赦改元亦失書元康二字。

三月誅左將軍劉預案左下少一軍字。

五月甲戌案上正月乙酉朔是月不當有此日。

毘陵王軌薨案武十三王傳軌年二歲而天太康十年追封加諡紀入此年誤。

四年九月丙辰甲午案丙辰距甲午三十九日不得並在一月。

六年十月曲赦雍涼二州案涼當爲秦時秦雍氐反故赦之以散其黨與涼州無與也。

七年七月雍梁州疫大旱案五行志當作秦雍。

永康元年正月己卯日有食之案通鑑考異推長歷以爲己卯十七日不得日食又己卯書丙子前益

證其謬。

四月辛卯日有食之案天文志辛卯朔紀失書。

永寧元年三月齊王冏討倫豫州刺史李毅應之案成都王傳毅爲冀州刺史又齊王冏傳豫州刺史何遜也傳是紀非

趙王倫遣將閻和出伊闕張泓孫輔出塢坂案倫傳輔出延壽關泓和出塢坂關

齊王冏將何遜盧播擊張泓案梁王彤傳有盧播事梁趙同黨播不應爲冏將

九月丁丑案上閻三月丙戌朔推之丁丑當在八月

太安元年五月以齊王冏爲太師案通鑑作太子太師爲是

十二月以長沙王乂爲太尉都督中外諸軍事案其時成都王穎遙執朝政乂未應都督中外又顯尙爲太尉乂不應更爲太尉晉春秋在二年七月通鑑從之

封東萊侯蕤子炤案蕤本東萊王降封微陽侯

二年三月荊州刺史宋岱擊李特斬之案通鑑宋作宗又特載紀特爲羅尙所殺非岱也

四月特子雄復據益州案特死弟流立流死雄始得益州

六月遣劉宏討張昌于方城王師敗績案宏傳自方城至宛所向皆平與此互異

七月臨淮人封雲應張昌自阜陵寇徐州案阜陵今全椒縣東南去徐州遠疑誤

八月劉宏及張昌戰于清水斬之案昌傳在明年秋通鑑據宏斬張奕表從本傳

十月破牽秀范陽王斌于東陽門外。案成都河間二王及斌傳通鑑皆無此疑誤。

十一月辛巳壬寅癸亥甲子丙寅。案辛巳距丙寅四十餘日。豈得並在一月。當由失書十二月耳。長沙王又爲張方所害。案又傳以正月二十七日死。又有草木萌芽殺長沙之謠。則又死當在永興元年正月。通鑑據又傳改。

永興元年正月。帝逼于河間王顥。密詔劉沈皇甫重討之。沈舉兵攻長安。爲顥所敗。案通鑑此事入太安二年十一月。

高密王簡等奉帝北征。案高密王略字元簡。紀誤。

七月庚辰。案本月丙申朔。不應有庚辰日。上有己未。當爲庚申。

八月。帝走洛陽。倉卒無齋。侍中黃門齋私錢三千。案文中上多一侍字。

十一月丙午。書辛丑前誤。

二年六月。李雄僭卽帝位。案雄僭帝位。惟三十國春秋與此同。華陽國志後魏書十六國春秋。皆在光熙元年。

八月辛丑。案上正月甲午朔。及下九月庚寅朔。推之。辛丑當在七月。

范陽王斌逐冀州刺史李義。案劉琨傳。斌敗琨。與斌奔河北。說冀州刺史溫羨。讓位于斌。既非李義。亦

不云逐而紀中九月劉喬攻虢于許昌十月詔諸軍會許昌則當八月中虢尙未渡河安得有逐刺史之事乎此與下劉宏逐彭城王釋于宛同一誤宏事通鑑考異已辨之

李雄遣李驥攻漢安案晉志無漢安之名而李雄載記稱帝後遣李國等攻漢中則安當爲中

十二月范陽王虓破劉喬于蕭案東海王越起兵西次蕭縣喬遣子祐拒之范陽王及劉琨率兵迎越祐衆潰喬目屯平氏未嘗至蕭喬傳越傳可證紀誤

光熙元年正月甲子案本月戊子朔不得有甲子日

十一月庚午案上七月乙酉朔推之疑中有閏月

### 懷帝紀

太熙元年封豫章王案武紀在太康十年十一月光熙元年十二月李雄別帥李離寇梁州案通鑑在永嘉元年五月

永嘉元年正月癸丑朔三月己未朔案上光熙元年十二月書壬午朔本年二月書辛巳七月書己酉朔前後互推之則癸丑己未均非朔日也

二月東萊人王彌反東牟太守龐伉遇害案地理志無東牟郡東牟縣屬泰山郡此當爲東萊之誤

三月立豫章王詮爲皇太子案清河王覃傳永嘉初前北軍中候任城呂雍度支校尉陳顏等謀立覃



爲太子事覺。幽金墉城被害。詮其弟也。二年立爲皇太子。於事爲合。使于元年既立。詮爲太子。則呂陳等亦何以生其心哉。此必東海王害覃之後。立詮以靖亂耳。

改封東燕王。騰爲新蔡王。鎮鄴。案騰傳亦云永嘉初鎮鄴。發并州。劉琨傳永嘉元年琨爲并州刺史。而本紀于騰鎮鄴後。又云并州諸郡爲劉元海所陷。刺史劉琨保晉陽。然則是年三月琨已至并州矣。而琨傳在路上表曰。臣九月末得發。以本紀推之。此九月不當屬光熙元年乎。又本紀光熙元年九月。進東瀛公騰爲東燕王。疑是年即使鎮鄴。騰東下而琨北上。紀傳相應。若以琨表所云九月屬永嘉元年。則是年五月鄴城爲汲桑所破。騰已被殺矣。或曰初范陽王虓鎮鄴。實以光熙元年十月薨。騰安得先于九月代之。然此必有他故。史不能悉耳。琨表是當時確證。可不信乎。劉淵載記永興元年東瀛公騰敗績。率并州二萬戶下山東。二年又遣司馬瑜等討之。次于離石。不惟前後乖錯。而既云騰下山東。則是已鎮鄴矣。復踰境遣將討淵。於情事不合。

五月建甯郡夷攻陷甯州。案通鑑事在光熙元年三月。

十二月并州人田蘭薄盛等斬汲桑于樂陵。案石勒載記王師斬桑于平原。

二年正月丙子朔。案通鑑從長歷作丙午。以下書丁未。二月書辛卯。前元年十一月書戊申朔。又天文志是年正月書戊申。互推之作丙午爲是。

二月石勒寇常山。二月劉元海侵汲郡。略頓邱河內。九月勒寇趙郡。十一月勒寇鄴。三年三月元海寇黎陽。七月劉聰王彌寇上黨。圍壺關。案彌傳攻壺關在攻鄴之前。而勒載記陷壺關後寇魏郡頓邱鄴。潰進攻趙郡。又進攻鉅鹿常山。自東而南而北。途徑畫然。分明可據。又案通鑑永嘉二年正月劉淵遣聰等十將南據太行。石勒等十將東下趙魏。二語不知出何書。竊謂此文爲綱極分明。蓋聰與勒攻壺關既陷。自是兵分二路。勒率劉靈閻猗等七將。見勒載記與王彌寇鄴不載見彌傳以次下冀州郡縣。悉如載記。而彌復借聰與王曠等戰高都長平間寇河內。見彌傳逼洛陽。彌與勒分不知其地。或者攻鄴之後耶。第二年之中其攻略月日無確據。本紀先後錯亂不足信。卽如勒寇常山王浚破之。本在三年九月。先書于二年二月。此由傳記異詞。史家全不檢察。一事疊見。且闕于地理。南北乖錯。涑水仍其誤。亦以勒寇常山入二年春。次及寇鄴。而三年夏又云勒寇鉅鹿常山下。復云王彌劉聰共攻壺關。以勒爲前鋒都督。然則勒之南北廻還。不且疲于奔命。而踰越阻險。又何其神速乎。至于取屯留長子。已見永興元年冬。茲又云破屯留長子。豈得而復失耶。二縣在壺關之西。未破何由得至壺關耶。夫聰之寇洛陽。壺關長子等縣。非其必經之道。而勒之攻陷冀州。不先下此數邑。則無由進軍也。當日涑水旁採諸書。卽一攻壺關也。十六國春秋在三年五月。晉書本紀在七月。而劉琨集則在四月以前。雖未知究在何月。要之勒在冀州。必不廻軍而南也。審矣。

九月石勒寇趙郡和郁自鄴奔衛國案趙郡在鄴北無隄鄴攻趙之理況下十一月又云攻鄴則郁亦不應先奔石勒載記鄴潰和郁奔是也又衛當作襄勒記亦誤作衛係縣非國

十一月丁卯誤書己酉前

三年正月甲午案通鑑是月辛丑朔又上二年十二月書辛未朔本年三月書戊申丁巳等日則正月不得有甲午

三月山簡都督荆襄交廣諸軍本傳案時無襄州當依通鑑作湘

九月劉聰圍浚儀遣平北將軍曹武討之王師敗績下又云使車騎將軍王堪平北將軍曹武討劉聰王師敗績案劉淵載記此自一事而紀誤分爲二

四年六月劉聰弑和自立案通鑑當在七月

上月大星西南墜案天文志作西北墜爲是

石勒陷襄城遂至宛王浚遣鮮卑文慈救之又遣別將王申勅肥作王甲討勒于汶石津案宛之去幽州數

千里浚安能救又汶石津在汲郡去宛亦遠事蹟不合勒載記勒敗于倉垣退屯汶石津將北攻浚

將王甲率鮮卑萬餘騎至乃濟河攻襄城前後甚明

十一月甲戌丁丑誤書壬申前

流氏隗伯符等襲宜都案符下少一成字又通鑑作隗文

加張軌安西將軍案本傳乃惠帝所加時事合紀誤

十二月乙酉案通鑑長歷是年八月辛卯朔十二月不當有乙酉

五年正月書壬申乙未案下有癸酉乙亥戊寅庚辰等日上書乙未誤

四月石勒追東海王越喪及于東郡案東郡是時已省各傳不見越傳作苦縣則屬梁國

宗室四十八王沒于石勒案越傳作三十六王

六月癸未案通鑑此日在五月

洛陽破尙書左僕射和郁等皆過害案郁附兄嶠傳云奔于苟晞疾中晞傳云豫章王端及和郁等奔

晞而傳祇傳亦云洛陽陷祇令尙書令和郁徵義兵甚矣紀之誤也

劉聰以帝爲會稽公案聰載君作平阿公通鑑從之以三十國春秋晉春秋十六國春秋皆同明年二

月乃封會稽也

十一月猗盧寇太原平北將軍劉琨不能制徙五縣百姓于新興以其地居之案魏書序紀穆帝三年

即晉永嘉四年帝從琨求勾注陘北地琨大喜乃徙馬邑陰館樓煩繁峙崞五縣民于陘南盡獻其地又案劉

琨傳單于猗匄以救東瀛公騰之功琨表其弟猗盧爲代郡公事在永嘉以前自則猗盧未嘗寇太原

也。

六年二月壬子日有食之。案天文志及通鑑皆書朔紀失書。

八月己亥書庚戌下誤。

九月獠盧使子利孫赴琨。案魏書穆帝遣長子六修桓帝子普根爲前鋒。無利孫也。

# 讀史舉正卷四

晉書

愍帝紀

中書郎李昕案闔鼎傳作暉王浚傳作組三處互異。

帝次藍田闔鼎告雍州刺史賈正案正傳愍帝以正爲雍州刺史遣兵迎衛時恐尙是安定太守也。

建興元年九月劉聰寇河南河南尹張髦死之案通鑑聰寇河南在十二月時魏浚爲河南尹。

二年六月劉曜趙冉寇新豐諸縣安東將軍索琳破之七月曜冉又逼京都領軍將軍麴允破之案琳

允本傳琳時已爲征東大將軍允時已爲驃騎將軍。

三年三月豫章內史周訪擊杜宏案訪傳訪時爲尋陽太守。

十月以豫州牧索琳爲尙書僕射案琳傳無爲豫州牧事。

四年八月始平太守竺恢等赴難案麴允傳作新平始平守乃楊像。

尙書辛賓左丞相臧振等遇害案賓乃尙書郎是時元帝爲左丞相不得有二疑相字衍。

十二月甲申朔日蝕案通鑑考異宋志作乙卯朔與長曆合紀誤。

元帝紀

建武元年三月丙辰案上年十二月甲申朔通鑑從長歷作乙卯朔則本年三月不得有丙辰

八月荊州刺史第五猗爲賊帥杜曾所推遂與曾反案周訪傳猗爲愍帝所遣通鑑此事入建興三年八月後紀誤

太興二年十一月戊寅案下十二月有乙亥明年正月丁酉朔則此月不得有戊寅

三年四月壬辰案是年正月丁酉朔又閏三月則四月不得有壬辰其八月書辛未四年二月書癸亥九月書壬寅十月書壬午永昌元年三月書甲午四月書辛未丙子等日皆誤接太寧元年三月戊寅朔推之益可證

明帝紀

永昌元年閏月案此文無所承當云閏十一月

太寧二年十二月梁水太守爨亮益州太守李暹以興古叛降于李雄案梁水晉成帝分興古郡立時未有此郡也通鑑事在三年亮作量

太寧三年二月書戊辰三月復書戊辰誤

四月石勒將石良寇兗州案勒載記作石瞻

七月以郗鑒都督青兗二州諸軍事。案鑒傳作都督徐兗青三州爲是。

成帝紀。

太寧三年九月癸卯。誤書辛丑前。

咸和元年九月。李雄將張龍寇涪陵。執太守謝俊。下三年十月。復云張龍寇涪陵。太守趙弼沒于賊。當爲一事。前後乖錯。

四年三月。以庾亮都督揚州之宣城。江西諸軍事。案亮傳作都督豫州揚州之江西宣城諸軍事。

六年正月。進司徒郗鑒都督吳國諸軍事。案鑒傳當作司空。

六月。封彭城王植子顥爲樂成王。案此事在光熙元年十二月。時河間王顥初死。以彭城元王植子融爲嗣。改封樂成王。融薨。元帝又以彭城康王釋子欽爲嗣。上年九月。徙封河間王。本末具見紀傳。而此年乃復書。且誤以爲顥。相踈至矣。

八年四月。封故新蔡王弼弟邈爲新蔡王。案宗室傳。弼以太興元年薨。不應至此。方以邈襲封。

五月乙未。慕容廆卒。案上文正月辛亥朔。本月無乙未日。通鑑作甲寅。又廆子毓嗣位。鑑在六月。

九年正月。以郭權爲雍州刺史。案石宏載記作秦州刺史。爲是。

十月乙未朔。日有食之。紀失書。



咸康五年四月，庾亮遣參軍趙松擊巴郡江陽，獲石季龍將李閔、黃桓等。案巴郡江陽，乃李氏地，非石氏所有。安得有季龍將乎？通鑑作執漢荊州刺史李巴郡太守黃爲是。

八月壬午，下書辛酉，相距四十日。又上七月己書庚申辛酉，此辛酉日誤。

六年正月，都督江、豫、益、梁、雍、交、廣七州諸軍事庾亮薨。案亮傳，督江、荆、豫、益、梁、雍六州，並無加督交、廣事。此紀遺荊州而云交、廣，疑誤。

七年二月甲午朔，當依通鑑作甲子朔。以下有己卯三月有戊戌也。

八年三月，以武悼夏皇后配饗武帝。案通鑑在二月，夏當作楊。

六月庚申，帝不愈。案上正月己未朔推之，六月不得有庚申日。通鑑作庚寅是。

康帝紀

建元元年十月，以庾冰都督荆、江、司、雍、益、梁六州諸軍事。案冰傳作督江、荆、寧、益、梁、交、廣七州軍事。通鑑同。

十二月重書。

二年二月，慕容皝及宇文歸戰于昌黎。案皝載記宇文敗，徙其部人于昌黎。再據通鑑，其戰在宇文之南羅城，卽皝所改威德城也。去昌黎尙遠。

八月丁巳案是月上有丙子相距四十二日通鑑丁巳乃閏八月也。

穆帝紀

永和元年八月庚辰案上正月甲戌朔是月不當有庚辰日。

二年四月己酉朔日有蝕之案天文志非朔日。

三年三月乙卯丁亥相距三十二日誤。

四年四月范文寇九德案通鑑作九真。

五年正月辛巳朔鑑作辛未爲是。

七年十二月高昌屯野王樂立屯許昌案冉閔傳作高崇樂宏。

九年七月丁酉案本年正月乙卯朔明年正月己酉朔推之七月無丁酉。

十一年正月平羌校尉仇池公楊初爲梁式所害案宋書氏胡傳作梁式王。

升平元年正月段龜爲慕容恪所陷案通鑑在永和十二年十一月。

哀帝紀

隆和元年重書二月。

三月甲寅朔日有食之案下十二月戊午朔推之三月甲寅非朔日。

興寧元年二月己亥案上年十二月戊午朔本年三月有壬寅癸卯則此月不得有己亥  
三年二月慕容評侵汝南太守朱斌遁于壽陽四月王師敗于懸瓠朱斌奔淮南案壽陽卽淮南也此  
當爲一事通鑑並入四月爲是

廢帝紀

太和二年四月王猛寇涼州張天錫距之猛師敗績案天錫傳作天錫敗爲是  
咸安二年正月降封帝爲海西縣公案簡文紀作咸安元年十二月通鑑從之

簡文帝紀

咸安元年十一月重書乙卯一書庚戌辛亥前尤誤

孝武帝紀

寧康元年八月壬子案本年正月己丑朔下年正月癸未朔此月無壬子當是壬午之誤  
三年十二月甲申誤書癸未前

太元元年十一月己巳朔案上正月壬寅朔推之不得有此朔日

七年九月苻堅將都貴焚燒河北田穀案桓沖傳苻堅載記皆云晉將朱綽通鑑同紀誤  
八年十一月庚申誤書壬子前

十二月仇池公楊世奔還隴右。案宋書氏胡傳。此乃楊定。非世也。世已于太和五年卒矣。  
九年正月戊午。誤書辛亥前。

十二月呂光稱制河右。自號酒泉公。十年九月呂光據姑臧。自稱涼州刺史。一事兩書。誤也。

### 安帝紀

隆安二年十二月。前新安太守杜炯反于京口。案通鑑作孫泰。乃孫恩叔父也。

五年二月呂超弑呂纂。九月呂隆降于姚興。案載記纂以元興元年死。隆卽于是年降。

### 天文志

太康六年八月丙戌朔。日有食之。志失書。

咸康八年正月乙未朔。日蝕。案成帝紀作己未朔。爲是。以下書乙丑日也。

太元元年十一月己巳朔。日蝕。志闕。又四年閏月己酉朔。日蝕。不書何月。案孝武紀作十二月。

太興四年三月癸未。日中有黑子。案通鑑作癸亥。永嘉三年正月庚子。熒惑犯紫微。案通鑑作辛丑朔。

### 地理志

滎陽郡開封縣。志失開字。

高平國之陸湖。當作湖陸。見左傳襄十九年杜注。東平國之剛平。當作剛父。見左傳隱五年杜注。

泰山郡失書平陽縣見左傳宣八年杜注。

潁川郡有長平縣梁國又有長平縣疑本一縣而前後改屬志兩存之非。又潁川郡失書西華縣案

晉省西華後復置荀藩封西華縣公。

譙郡當爲國案左傳昭六年杜注乾谿在譙國城父縣南又譙剛王遜傳武帝受禪封譙王。

鉅鹿國當作郡。

樂陵國注漢置非。

咸寧二年十月分昌黎遼東元菟帶方樂浪等郡國五置平州案本紀在秦始皇十年二月。

扶風郡當有好時縣索琳曾爲令見琳傳。

敦煌郡之宜安縣疑卽冥安兩漢志並作冥。又深泉縣疑卽前漢本郡之淵泉後漢本郡之拼泉也。

又敦煌晉昌西域都護張茂以校尉玉門大護軍三郡三營爲沙州案敦煌以下八字當在張茂以

三字下通鑑云分敦煌等三郡及西域都護三營爲沙州。

天水郡漢有西縣又武郡郡有上祿縣今志無案宋書氏胡傳楊定稱藩于孝武帝求割天水之西縣

武都之上祿爲仇池郡是晉曾立此二縣也。

太康三年廢寧州太安二年復置寧州案通鑑從華陽國志廢在太康五年十二月復置在太安元年

十一月

濟南郡有平陵縣。見杜氏左傳莊十年注。有於陵縣。見杜氏左傳昭十年注。有隰陰縣。見杜氏左傳哀十年注。

樂安國之東朝陽。案左傳襄二十七年成請老于崔。注屬濟南。

城陽郡壯武縣。案左傳杜注作莊武。又元康十年分城陽之黔陬壯武淳于昌安高密平昌營陵安邱大劇臨朐十一縣爲高密國。案本紀元康止九年。明年正月朔。卽改元永康。隴西王泰傳改封高密王。元康九年薨。可證志誤。營陵以下五縣故屬東莞郡。

順陽郡南鄉縣。案左傳僖二十五年杜注有南鄉丹水縣。南鄉析縣。哀四年注析縣屬南鄉郡。是晉初南鄉爲郡也。

吳分丹陽立新都郡。晉改曰新安。案秦始三年置新都郡于梁州。故改揚州之新都耳。

吳興郡。失書陽羨縣。

太寧元年揚州統丹楊吳郡吳興新安東陽臨海永嘉宣城義興晉陵十一郡。案十一郡當有會稽在內。

禮志。

秦始皇二年羣臣議五帝卽天地案通鑑地作帝。

四年有司奏大行皇太后當以四月二十五日安厝案本紀四月己亥祔葬文明皇后以六月甲申朔推之則己亥乃四月十五日也。

職官志

八公並置義陽王望爲太尉何曾爲司徒案本紀及望曾傳其時曾爲太尉望爲司徒。

永昌元年改中領軍曰北軍中候案惠帝初亦曰北軍中候楚王瑋領之。

食貨志

咸寧三年霖雨蟲災杜預上書云案預傳及通鑑皆在四年七月。

五行志

秦始皇三年三月大石山崩案本紀作太山石崩又丁未晝昏五年二月青徐兗三州水七年五月雍涼秦三州饑志並失書案武帝秦始皇年間連災志云除五帝座廢祭祀之罰夫除五帝座乃合禮之至者而以爲廢祭祀甚矣史臣之誣也。

咸寧元年五月下邳廣陵大風壞千餘家折樹木其月甲申廣陵司吾下邳大風折木案此條文義複雜必有誤又二年八月庚辰河南河東平陽地震案本紀無河南爲是又五年六月癸亥安定雨

雹七月丙申魏郡雨雹八月庚子河南河東宏農雨雹案本紀上四年正月庚午朔下太康元年正月己丑朔則五年六月無癸亥七月無丙申八月無庚子等日

元康四年六月壽春地大震死者二十餘家上庸郡山崩殺二十餘人志闕又五年三月呂縣有流血本紀在六年

太安元年十二月地震案本紀在十月

永嘉三年十月荆襄二州地震案襄當作湘又四年十一月辛卯晝昏案本紀在十月爲是又七年十月庚午大雪當作建興元年

愍帝建武元年六月揚州旱案文愍當爲元後行仍書元帝則非傳寫之誤也

太興三年四月庚寅丹楊吳郡晉陵地震案本紀在五月爲是以是年正月丁酉朔及閏三月推之庚寅當在五月

永昌元年十月黑氣貫天案黑書黑祥下已見此重書

永昌二年五月荊州及丹楊宣城吳興壽春大水下書太寧元年五月丹楊宣城吳興壽春大水又永昌二年十二月幽冀并三州大雨下書太寧元年十二月幽冀并三州大雪案永昌無二年卽太寧元年此皆一事誤分爲二



刑法志

文帝爲晉王，令賈充定法律，與太傅鄭沖、司徒荀勗等十四人典其事。案充傳：在武帝受禪後，非文帝時也。

凡律令合二千九百二十六條，十二萬六千三百言，六十卷。故事三十卷，泰始三年表上。案本紀在四年正月，通鑑從之。

詔下其事。汝南王亮奏云云。案通鑑裴頠表引元康八年事。時亮死已久。志誤。景獻羊皇后傳。

后，秦山南城人。案南城前漢屬東海，後漢魏屬泰山。晉志無秦山郡及南城縣。

景帝更娶鎮北將軍濮陽吳質女。案魏志質濟陰人。又注質別傳，以侍中卒。

惠費皇后傳。

趙粲賈午韓壽等皆伏誅。案壽于元康初卒，此誤。

惠羊皇后傳。

孫秀與后外祖孫游合族，故以太安元年立爲后。案太安初，孫秀已誅。安得議立后乎？惠帝紀在永康元年十一月爲是。

河間王顥矯詔賜后死。以劉暉奏得免。帝還洛。迎后復位。洛後陽令何喬又廢后。張方首至復后位。案本紀永興二年十一月立節將軍周權復后羊氏。洛陽令何喬攻權殺之。復廢后。光熙元年正月河間王顥殺張方。五月帝還洛陽。六月至復后位。然則喬廢后即在賜后死之時。帝還洛在張方死之後。傳分爲二誤。

哀靖王皇后傳。

興寧二年崩。案本紀在三年正月。

王祥傳。

泰始五年薨。案本紀在四年四月。

何曾傳。

魏明帝初爲平原侯。案侯當爲王。魏志可據。

咸熙初文帝爲晉王。曾與高柔鄭冲俱爲三公。案柔傳于景元四年薨。陳留王紀同。咸熙初安得尙存。

何劭傳。

遷侍中尙書。案通鑑武帝末劭曾爲中書令。亦見本書楊駿傳。本紀作中書監。

石苞傳。

瑯琊王仙自下邳會壽春。案秦始皇五年二月，仙鎮下邳。時未爲瑯琊，乃東莞王也。

羊祜傳。

秦始皇初，詔以祜爲尙書右僕射。案本紀作左僕射。時東莞王仙爲右僕射。

杜預傳。

尙書奏皇太子亦宜釋服。案禮志，尙書祠部奏從博士張靖諍。此云尙書誤。

陳騫傳。

魏書注引晉書曰：騫字休淵。傳失之。

咸寧初，騫遷太尉，轉大司馬。言胡烈牽宏勇而無謀。案本紀，騫秦始皇十年九月爲太尉。咸寧二年八月爲大司馬。時烈宏已死。此傳乖錯。

裴楷傳。

鍾會薦之文帝。賈充改定律令，以楷爲定科郎。詔于御前執議。案律令成于秦始皇三年，非文帝時也。刑

法志：武帝使楷執讀。

裴憲傳。

永嘉末，王浚爲石勒所破。案勒破浚在建興二年三月。見本紀。

衛瓘傳。

徙通事郎轉中書郎。案職官志魏置通事郎。晉改中書侍郎。傳分爲二誤。

張華傳。

進封壯武郡公。案本書志壯武縣屬城陽郡。不言置郡。

太原王輔傳。

子宏。元康中徙封中邱王。案中邱縣屬趙國。王不應降封縣。本紀元康三年太原王宏薨。亦不云中邱。

下邳王晃傳。

封始亭侯。案文亭上有脫字。又本紀晃以元康六年正月薨。傳作成寧六年誤。

高陽王珪傳。

詔以太原王輔子緝襲爵。案輔時尙爲渤海王。咸寧三年徙太原。

高密王泰傳。

安西將軍領益州刺史。案西當爲南。下云遷安西可見。

代下邳王晃爲尙書左僕射。案左當爲右。時魏舒爲左僕射。

高密王略傳。

永興初，愷令劉根起兵。案文根上少柏字。本紀柏根反。在光緒元年三月。  
新蔡王騰傳。

公師藩與平陽人汲桑爲盜。案石勒載記：藩乃陽平人。桑魏郡人。此云平陽，得非因陽平而誤耶。  
范陽王綏傳。

咸寧五年薨。案本紀：在四年七月。

范陽王虓傳。

拜虓爲司徒。本紀作司空。

永興三年薨。案本紀：是年六月改元光熙。十月虓薨，不得仍稱永興。

濟南王遂傳。

子耽。咸寧三年徙中山王。是年薨。案本紀：元康二年九月乙酉中山王耽薨。傳誤。又傳言遂二子耽、緝、耽、無子。緝、緝、緝、無子。國除。後復云有遂曾孫勳，自相違反。

譙王遜傳。

二子隨承。案通鑑：承作丞。晉拯。

東安王繇傳。

永康中徵繇復封案本紀復封在永寧元年九月。

扶風王駿傳。

咸寧初羌虜樹機能等叛案樹機能泰始六年已叛不至咸寧初。

梁王彤傳。

永康二年薨案本紀在太安元年五月。

王浚傳。

永嘉中石勒寇冀州浚遣鮮卑文鴛討勒勒走南陽明年勒復寇冀州刺史王斌被害案勒自永嘉二年至四年無歲不寇冀州然王斌之死本紀在三年十一月通鑑同文鴛之師本紀在四年十月。

荀藩傳。

以從駕討齊王問勳封公案本紀藩曾從駕討成都王穎至鄴若齊王則在京城內何必從駕哉。

楊駿傳。

遺詔以駿爲太尉輔政自是二日而崩案本紀駿爲太尉在四月辛丑帝崩在己酉非止二日也。

劉寔傳。

元康九年拜司空案本紀及張華傳永康元年四月華被害以寔爲司空。

王濬傳

參征南軍事案本紀咸寧二年十月羊祜爲征南將軍而濬遷益州刺史在誅張宏後時爲泰始八年然則濬所參非征南也

王衍傳

石勒王彌寇京師案此文在衍遷太尉之前乃是永嘉二年五月事無石勒也

鄭默傳

太康元年卒案上文云聽大臣終喪自默始也本紀太康七年始制大臣終喪三年則是元年爲九年之誤

李允傳

封廣陸伯案本書地理志無廣陸

盧志傳

帝還洛陽志啓以滿奮爲司隸校尉案帝幸鄴後上官巳等守洛陽縱暴河南尹周馥與司隸滿奮謀除之謀泄奮被害事見馥傳安得還洛時尚在平

盧湛傳

謾選尙武帝女榮陽公主未以禮而公主卒華恢傳又云尙武帝女榮陽公主必有一誤。

華嶠傳

出爲安平太守案安平國也不當有太守。

嶠子頤官至長樂內史案本書地理志無長樂郡國而本紀太康五年二月立南宮王子玷爲長樂王則是晉初有此國其後省耳。

石鑿傳

封堂陽子案堂陽前漢屬鉅鹿後漢屬安平晉地理志無。

鑿坐討吳賊盧張首級遣歸田里久之拜右光祿大夫領司徒太康末拜司空案本紀自平吳後至太康末李允山濤魏舒王渾相繼爲司徒不見有鑿紀又云以右光祿大夫石鑿爲司空然則鑿無領司徒事。

封昌安縣侯案本紀元康四年正月書安昌公石鑿薨。

劉暉傳

奏免東安公緄案文公當作王又此事在趙王篡位惠帝復阼之後東安王傳失之。暉五爲司隸案本傳止四爲司隸耳。



和嶠傳

惠帝即位拜太子太傅案惑懷傳作太子少保時爲太子太傅者王戎也本紀及戎傳同

元康二年卒永平初諡曰簡案永平元年三月卽改元康此分爲二誤

武陔傳

累遷下邳太守案下邳後漢及晉並爲國不得有太守

# 讀史舉正卷五

晉書

劉頌傳

頌卒以隱爲適孫襲封永康元年詔以頌誅賈謐有功追封梁鄒縣侯案此則隱襲封當在永康之後文誤置前又案梁鄒縣本書地理志無

李重傳

重江夏鍾武人張光修亦云光江夏鄒武人案本書地理志江夏郡無鍾武

傅咸傳

奏免兼河南尹何攀等案攀傳無兼河南尹及免官事且其人非可勳者疑別一人非蜀郡何攀也

傅祇傳

以司徒持節大都督諸軍事案文大字衍

閻纘傳

楊駿誅纘葬之駿從弟模告武陵王澹案駿傳誅親黨夷三族安得有從弟在且人葬其兄而告之亦

非人情。駿爲賈后所害。則模者乃后從兄。賈模耳。又澹時爲東武公。亦未封王。

阮放傳。

放敗走保簡陽城。案簡陽縣屬寧浦郡。地理志不載。

華譚傳。

遷廬江內史。案廬江非國。不當云內史。

愍懷太子傳。

使太保何劭詣東宮。廢太子。案劭爲太子太師。未嘗爲太保。

右衛督司馬雅。案趙王倫傳。作左衛司馬督司馬雅。

六月己卯。葬於顯平陵。案永康元年正月癸亥朔推之。本紀作壬寅爲是。

襄陽王尚。永寧元年八月立爲皇太孫。案本紀在五月。

陸機傳。

成都王穎討長沙王乂。假機後將軍。案穎傳。作前將軍。

通鑑同。

長沙王與機戰於鹿苑。機大敗。將軍賈稜死之。案本紀。太安二年十月破陸機于建春門。斬其大將賈

崇。通鑑同。

周處傳。

處，義興陽羨人。案陽羨本屬吳興郡。至永嘉四年，處子玘破錢璜，乃置義興郡。處時安得預稱。

周玘傳。

右將軍陳敏助玘攻石冰。案敏傳未嘗爲右將軍。時爲廣陵度支耳。

周訪傳。

前云杜弢遣將張彥陷豫章，訪斬彥。後云弢遣杜宏出海昏，訪擊敗之。案海昏屬豫章。本紀擊宏斬彥。

並在建興三年三月。

同。疑一事。

傳誤分爲二。

楚王瑋傳。

武帝崩，入爲衛將軍。案瑋以惠帝元康元年二月入朝，楊駿誅，乃爲衛將軍。非武帝崩時也。

趙王倫傳。

使尙書令滿奮奉皇帝璽綬，禪位于倫。倫僞讓，下又云義陽王威逼奪天子璽綬。先後乖錯。

孫會等與義軍戰于激水。案激水卽大澗水，出南陽葉縣，流經鄆城商水而入潁水。時成都王義軍在

河北，去激水遠矣。紀作溴水爲是。

齊王問傳。

問起兵遣使告成都河間常山新野四王案新野時爲公非王也。

封葛旗牟平公劉真安鄉公案地理志無牟平安鄉二縣又路秀封小黃公本紀作路季又衛毅

封陰平公案五公所封如小黃封邱皆近洛陽不應毅封獨遠本紀作平陰爲是

平陰屬河南郡

幽其子淮陵王超案淮南王允傳允三子皆被害齊王罔請以其子超繼允後本紀作淮南王爲是光

熙初復王封子超嗣爵案本紀在永興二年四月

河間王顥傳元康九年代梁王彤爲平西將軍案本紀作鎮西將軍

李含與齊王罔司馬趙驥有憾

含傳同

案驥爲成都王督護不應爲罔屬

范陽王斌遣鮮卑與平昌博陵衆襲河橋案平昌公模事有之博陵則是何人疑有脫誤

東海王越傳

成都王攻長沙王諸將疲于戰守密與左衛朱默收又別省逼越爲主案又傳乃越與諸將潛謀收又通鑑從之

太安初帝北征郡案本紀在永興元年七月

越起兵以尙書曹馥爲軍司案此當爲周馥馥傳東海王迎駕以馥爲中領軍可證

解系傳。

系濟南著人。案本書地理志無著縣。

牽秀傳。

長沙王遣秀討張昌。秀出關奔成都。王穎案出關上事跡不明。必有脫漏。

閻鼎傳。

中書令李暉案。暉既爲中書令。則位已尊矣。豈可復爲鼎參佐。愍帝紀作中書郎爲是。

劉聰向長安。爲賈正所逐。走還平陽。案聰時已卽位。未嘗至長安。正所逐者。劉曜耳。其還平陽者。亦是劉粲。非聰也。

賈正傳。

西平太守竺恢。案文西當爲新。

苟晞傳。

帝還洛陽。晞奔范陽王虓。案通鑑。晞奔時。帝尙在鄴。

華軼傳。

軼爲江州刺史。自以受洛京所遣。而爲壽春所督。案是時督江州者元帝。帝時鎮建鄴。何得云壽春。

劉喬傳。

劉琨濟河攻喬，喬不敵而潰，復收散卒屯平氏。後又云劉琨分兵向許昌，許昌人納之，喬衆散奔平氏，當爲一事，誤分爲二。

劉琨傳。

永嘉元年爲并州刺史。案下表當在光熙元年十月。

猗盧留其將箕澹戍晉陽。案魏書箕作姬。

匹磾從弟末波。案石勒載記匹磾傳皆作末杯。

李矩傳。

郭默爲劉元海所傷。案此時元海已死。當云劉曜。

段匹磾傳。

建武初與劉琨討石勒。後云及王浚敗領幽州刺史。劉琨自并州依之。案此皆建武以前事。傳倒置。

又王浚死。匹磾入薊。傳漏脫。

郭默傳。

劉元海遣從子曜討默。列三屯圍之。案此劉聰時事。通鑑入建興二年六月。

以默爲豫州刺史。案豫當爲江。時庾亮爲豫州刺史。

默反。武昌太守郭岳馳白陶侃。案桓宣傳岳乃西陽太守。武昌則劉翽也。

淮南王允傳。

太康十年。徙封淮南。仍之國。都督揚江二州諸軍事。案惠帝元康元年七月。始分揚州荊州十郡爲江州。太康末尙未立也。

陳徽兄淮。時爲中書令。案通鑑注有中書令陳準。淮蓋準字之誤。

王導傳。

晉國旣建。以導爲丞相。軍咨祭酒。案此在建興元年五月。元帝爲丞相後。時晉國尙未建也。建武元年

三月。帝爲晉王。以導爲驃騎將軍。都督中外。晉國建當移在此。

進位侍中司空。案此在大興三年七月。傳入舉羊鑒前誤。

劉宏傳。

以仇勃爲歸鄉令。案地理志無歸鄉。

羅尙爲李特所敗。遣使告急。案此時特已死。尙爲李雄所敗耳。

起瑤爲順陽內史。案順陽非國。



陶侃傳。

都督荆雍益梁。案本紀作荆湘雍梁。通鑑從之。

溫嶠傳。

鄱陽內史紀瞻。案瞻時位尊而且死矣。本紀作睦爲是。

郗超傳。

轉愔爲會稽太守。案愔傳當云內史。

郗曇傳。

都督徐兗青幽揚州之晉陵諸軍事。案本紀與通鑑有冀州。無揚州。

顯榮傳。

惠帝幸臨漳。案臨漳建興初避愍帝諱改。此時宜稱鄴。刁協傳東嬴公騰鎮臨漳。丁紹傳臨漳被圍。王

彌傳與勒攻臨漳。皆誤稱。

丹楊內史王曠。案丹楊非國。

劉隗傳。

率萬人鎮潤口。案本紀作鎮淮陰。

戴若思傳。

都督兗豫幽冀雍并六州諸軍事。案本紀作司兗豫并冀雍爲是。蓋幽州劉隗所督也。

劉超傳。

超謀奉帝出。峻使任讓收超。案此事在咸和四年正月。時蘇峻已死矣。當云蘇逸。

陳穎傳。

穎。陳國苦人。案地理志。苦屬梁國。

歷陽內史失彥。案歷陽非國。

庾亮傳。

轉參丞相軍事。案上云轉丞相參軍。未曾改官。於文爲複。

撫軍將軍南頓王宗有異謀。案宗傳。元帝時爲撫軍。至此已進左衛將軍矣。

庾懌傳。

贈侍衛將軍。案職官志。無此名。

庾翼傳。

石季龍汝南太守戴開詣翼降。案戴開來降。係建元元年七月事。不應入此。

桓石虔傳

符堅荊州刺史梁成案堅載記作都貴

桓沖傳

遣宣城內史朱序向壽陽案序傳序未嘗爲宣城內史此事在太元元年通鑑作兗州刺史爲是

荀崧傳

藩承制以崧爲襄陽太守案通鑑作襄城

荀羨傳

救段蘭蘭當作龜龜蘭子也時蘭死已久矣

慕容蘭以數萬衆屯汴城案通鑑注汴當作卞魯國卞縣城也

劉惔傳

永和元年惔爲義成太守監沔中軍事傳遺之

王允之傳

除宣城內史案宣城時不爲國又監揚州江西四郡事案文四郡下少諸軍二字

虞潭傳

除汴鄉令。徙醴陵令。值張昌作亂。案劉宏傳。宏既平張昌。以潭與有功。表徙授醴陵令。潭傳前後不符。何充傳。

建元初。出爲徐州刺史。案本紀。事在咸康八年七月己未。通鑑

蔡謨傳。

謨。陳留考城人。案孝城。後漢屬陳留。晉地理志無。

殷浩傳。

張遇反。謝尚敗績。在請鎮洛陽之後。案本紀。遇反在永和八年二月。尚敗在四月。而通鑑。浩聞張遇作亂。謂苻健已死。請進屯洛陽。皆在九年十月。

謝尚傳。

苻健將張遇降尚。案本紀及通鑑。遇乃趙將。非苻氏將也。

王遜傳。

寧州刺史李毅卒。永嘉四年。治中毛孟詣京師求刺史。案通鑑。毅卒在光熙元年。明年永嘉元年。毛孟詣京師求刺史。以釗爲越嶲太守。案通鑑作知提守。又將軍姚崇。案本紀及通鑑作姚岳。

顧和傳。

和爲王導從事。曰昔聞族叔元公道公叶贊中宗云云。案下文有永昌初等語。則是時元帝尙未崩。安得稱中宗。此節當在後。誤置于前。

張軌傳。

永嘉初。東羌校尉韓稚殺秦州刺史張輔。案本紀。在永興二年六月。通鑑此云永嘉。誤也。又輔傳。皇甫重傳及本紀。皆作隴西太守。

在州十三年卒。案本紀。軌卒在建興二年五月。通鑑。軌以永寧元年正月爲涼州刺史。統計之。當云十四年。又諡曰武公。案通鑑作武穆。

張茂傳。

太寧三年卒。案魏書。惠帝四年張茂死。是年乃晉太寧二年也。

張駿傳。

太寧元年。駿猶稱建興十二年。案茂卒。駿嗣位。在太寧二年。

咸和初。劉曜攻枹罕。駿使韓璞辛巖擊之。戰于臨洮。爲曜所敗。追至令居。案上云咸和初。遣辛巖等會韓璞攻秦州。劉曜屯狄道。襲巖。敗之。攻陷令居云云。與此當爲一事。

張重華傳

謝艾進封福祿縣伯。案上已云封福祿伯。此重見。重華卒時年二十七。在位十一年。案本紀。重華以永和二年嗣。九年十月卒。僅八年耳。又本傳年十六嗣位。卒時當爲二十三。而下又云子曜靈年十歲。前後不合。必有一誤。

趙允傳

劉曜寇北地。允次黃白城以救之。案黃白城在今三原縣。晉北地郡。則今之慶陽府寧州環縣境也。路邇勢不相救。劉聰載記。乃曜攻長安時事。于理爲得。

沈勁傳

升平中。慕容恪侵洛陽。案本紀。事在興寧二年。

曹據傳

少好學。太尉王衍見而器之。案據爲洛陽令。愍懷太子廢。宮臣冒禁辭送被繫。賈謐語曹據釋之。統見江傳而衍爲太尉。在永嘉三年。相距甚遠。傳誤。

王濬傳

祖佑。北軍中候。案世說新語。註王氏譜。佑散騎常侍。

王修傳

修作賢全論。案世說新語。王敬仁作賢人論。全蓋人字之誤也。

王嘉傳

嘉。隴西安陽人。案兩漢志及本書志。隴西無安陽。

荀灌傳

崧爲襄城太守。案崧傳。崧都督荊州。石覽時爲襄城太守。

王敦傳

遣豫章太守周訪等討杜弢。案訪傳。時爲尋陽太守。

帝微服至蕪湖。察敦營壘。案本紀作于湖爲是。時敦屯于湖。未嘗在蕪湖也。

桓溫傳

除瑯琊太守。案瑯琊故爲國。當準本紀作內史。

庾翼薦溫于明帝。案翼傳作成帝爲是。通鑑蓋翼傳云。蘇峻作逆。翼年二十二。則明帝時尙少。未得薦

溫也。

王彌傳

聚徒海渚，爲苟純所敗。案此在永嘉元年十二月，誤入引兵寇青徐前。

與石勒攻臨漳，下又云與勒攻鄴，文複。

以二萬人會石勒寇陳郡潁川。案地理志，陳縣屬梁國，無陳郡。

王如傳。

南安龐寔，本紀作新平人。

劉元海載記。

劉景擊并州刺史劉琨于板橋。案此事當在永嘉元年。

太史令宣于修之。案姓譜有鮮于而無宣于。通鑑考異據晉春秋作鮮于修之。

永嘉四年死，在位六年。案淵以永嘉二年僭卽皇帝位，四年死，則六當爲三。

劉聰載記。

王師敗于社門。注一案洛陽有稅門，卽清明門，無社杜二門。社杜蓋稅之僞。

護軍麴允頻陽令梁肅自京兆南山奔安定。案時同奔者尚有馮翊太守索琳。見通鑑。

杜人王禕紀特等攻劉粲于新豐。案紀疑是麴之譌。通鑑作麴特爲是。

劉曜載記。



輔威呼延清案通鑑作呼延青人。

元海以永嘉四年僭位。至曜三世。凡二十七載而滅。案淵以永嘉二年十月稱帝。至咸和四年滅。止二十二年。

石勒載記。

劉元海稱漢王子黎亭。案劉淵初稱王子離石左國城。次年乃徙屯黎亭。

濮陽太守苟晞討公師藩。案晞傳無守濮陽事。通鑑作兗州刺史。

江夏太守楊矩。案本紀及朱伺傳俱作楊珉。

都督冀幽并營四州軍事案營州不見地理志。至慕容熙始置。

攻乞活李偉于上白。案本紀偉作偉。

屯于景亭。案景亭疑是倉亭。今范縣東北。

遣王步都爲徐龜前鋒。案蔡豹傳作王伏都。

龍驤將軍王國弼。案本紀作南陽太守。通鑑同。

咸和七年死。案本紀勒死在咸和八年七月。又案魏書序紀烈帝五年勒死。是年卽晉咸和八年也。

石季龍載記。

咸康元年，稱居攝趙天王。案本紀及通鑑，皆在咸和九年十一月。

遣其子斌討羌。案佛圖澄傳，勒愛子斌暴病死。又勒載記，勒僭號趙天王子斌，封太原王。然則斌非虎子也。

季龍將張賀度。案本紀及毛寶傳，作張貉。

青冀幽州三五發卒。案二語與上文義不合。按通鑑當有爲東征之計一句。

宇文歸執送段遼之子闡。案通鑑作遼弟爲是。

蘇亥周成執遼于如意觀。案通鑑，亥作彥。如意觀作南臺。

姚弋仲據泚橋。案通鑑作泚頭。

慕容皝軍記。

咸康七年，皝遷都龍城。案通鑑，在咸康八年十月。

慕容儁載記。

永和五年，僭卽燕王位。案本紀，在永和四年。皝載記同。

苻堅載記。

皝伐代，代王涉翼韃遁陰山。其子翼圭縛父請降。堅令翼韃入太學習禮。以翼圭不孝，遷于蜀。案諸事

與魏書北史皆不合。什翼犍爲庶長子寔君所弑。其事自確。記不知何所據。  
李特載記。

涼州刺史羅尙。案文涼當爲梁。

辛冉出奔江陽。案通鑑作德陽。爲是。德陽屬廣漢。特攻冉于廣漢。就近出奔耳。

益州從事任明。案羅尙傳作任銳。通鑑從華陽國志作任叡。

李流載記。

李暉李雄謀襲孫阜軍。下卽云攻羅尙軍。前後不相蒙。

汶山太守陳圖。涪陵人范長生。案華陽國志作陳時范賢。

流死諸將其立雄爲王。案雄僭號成都王。在永興元年。此時尙稱益州牧也。

李雄載記。

雄誘建寧夷攻李毅。毅卒城陷。案通鑑從華陽國志。有毅卒年月。并其女秀守城事。在光緒元年三月。則是城未嘗陷也。

咸和八年死。案本紀在咸和九年六月。又魏書烈帝六年李雄死。卽咸和九年也。

李期載記。

咸康三年死。案本紀及通鑑皆作四年。

李壽載記。

咸康八年死。案本紀及通鑑並在建元元年八月。

呂光載記。

鳩摩羅什勸光東還。語在西夷傳。案西夷傳無此事。

光遣子他討北虜。案下呂超及隆殺呂纂。呂緯說他擊之。他妻梁氏曰。緯超俱兄弟之子。又他謂緯曰。吾老矣。而超告他。呼爲叔父。夫隆爲光弟寶之子。超乃隆弟。使他爲光子。則超爲從兄弟。不應稱叔父。而是時光沒甫三年。他亦不應言老。并以超爲兄弟之子。尋前後文義。當爲光弟。非子也。

呂隆載記。

光以太元十二年定涼州。十五年僭立。案本紀。太元十年。苻堅死。光卽稱涼州牧。非至十二年始定也。又僭立在十四年。光記與本紀同。

...

...

...

...

...

...

...

...

...

...

...

...

...

...

# 讀史舉正卷六

宋書

武帝紀

帝收集義徒檀憑之憑之從子韶弟祇隆與叔道濟案韶祇道濟本傳三人並兄弟此云與叔誤又傳列檀祇紀言祇隆未知隆爲何人或誤祇爲祇隆也南史本紀憑之從子韶祇隆道濟文甚明第云祇隆或仍宋書文耳

慕容超遣廣寧王賀賴盧據臨朐南史作廣寧王賀刺盧

帝遣建威將軍孫季高自海道襲番禺南史作孫處

永初二年九月己丑零陵王薨南紀同案是年四月己卯朔下三年正月甲辰朔推此九月無己丑日

少帝紀

永初三年十一月書戊子十二月書庚戌案下年正月己亥朔則十一月不得有戊子十二月并無庚戌也

景平元年正月辛卯祀南郊案是月己亥朔不得有辛卯日南紀作辛丑是又二月丁丑庚辰書辛

未前誤。

七月赦五歲以下罪人。南紀作赦五歲刑以下。文優。

孝武帝紀。

大明四年十二月辛巳。幸廷尉寺。案上書乙未。下書丁未。不當有辛巳。南紀作辛丑是。

七年十一月乙未。原放行獄徒繫東諸郡大獄。壬寅遣使貸卹。案南紀作原放行獄徒繫浙東諸郡大早。十二月壬寅遣使賑恤爲是。

前廢帝紀。

以魏武有發邱中郎將。模金校尉。乃置此二官。以建安王休祐領之。案建安王乃休仁。休祐則山陽王也。南紀作以建安王休仁山陽王休祐領之爲是。

明帝紀。

晉安王子助反。鎮軍長史劉琬爲其謀主。案南史及子助傳皆作鄧琬。此誤。

撫軍將軍沈攸之代爲南討。案南紀云。撫軍將軍殷孝祖攻赭圻。死之。以輔國將軍沈攸之代爲南討。此少十三字。蓋缺文也。

泰始七年二月癸巳。征南大將軍荊州刺史巴陵王休若。進號征西大將軍。開府儀同三司。案上五年

閏十一月以休若爲征西將軍。六年六月以休範爲征南大將軍。此合爲一誤。  
順帝紀。

昇明元年八月司空袁粲鑿石頭。案粲乃司徒時司空齊王也。

少帝司馬皇后傳。

少帝司馬皇太妃。案皇當作王。以後後爲南豐王太妃也。然配少帝爲文宜稱后。  
王宏傳。

宏薨。增班劍爲十六人。案班劍例二十人。南傳云六十人。方爲增。此作十六。非。

傅亮傳。

祖咸。司隸校尉。案南傳作成之元孫也。文較明。

檀韶傳。

韶卒。子緒嗣。緒卒。無子。國除。祇子臻。臻卒。子遐嗣。齊受禪。國除。案南傳。韶卒。子臻。字係宗。位員外郎。臻子珪。本書祇傳。祇自有子獻。襲西昌侯爵。此傳文義錯亂。疑誤。

向靖傳。

名與高祖同。案文失一祖字。南傳作與武帝祖諱同。



朱齡石傳

臧熹敬皇后弟。咸服高祖知人。案文義不屬。南傳作臧熹敬皇后弟也。亦命受其節度。戰捷。衆咸服帝知人爲是。

毛修之傳

朱修之後得還。具相申理。傳失朱字。

胡藩傳

藩外兄羅介生。案介卽仙字之誤。

武帝召藩參鎮軍軍事。傳失鎮字。

張興世傳

子欣業。當從南傳作欣泰。

臨川王道規傳

世祖以照爲中書舍人。案文當云太祖。

江夷傳

入爲侍中大司馬。從府公北辟。南傳作累遷大司馬。案文二書並有缺誤。

臧熹傳

宣太后配食。熹議曰：後漢安帝祖母曰恭愍皇后。案後漢本紀，安帝祖母曰敬隱皇后。順帝母曰恭愍皇后。此傳當有缺文。

徐廣傳

李太后薨，廣議服曰：成風顯夫人之號。僖公南傳作昭公服三年之喪。案春秋文四年冬，夫人風氏薨。杜注：僖公母，風姓也。孔疏釋例曰：凡妾子爲君，其母爲夫人，母以子貴也。廣引此極合。惟僖服三年喪，成風薨在僖後，當是據禮而言耳。南傳作昭服三年喪，誤。

傅隆傳

爲孟昶建威將軍，當征南傳作參軍。

孔琳之傳

父殿，光祿大夫。南傳作父廡。

王惠傳

太保宏從祖也。案文失弟字。南傳作誕從祖弟。

謝宏徵傳

謝渾詩昔爲烏衣游。戚戚皆親姪。案南史姪作姓爲是。

王韶之傳。

傅亮羊徽相代領西省事。轉中書侍郎。案南傳亮徽相代在職。義熙十一年武帝以韶之博學有文辭。補通直郎領西省事。轉中書侍郎。據此宋書必有缺文。

蕭思話傳。

思話遷鎮南城。案州郡志思話還治南鄭。此云南城誤。

氏胡傳。

楊統廢世之篡。篡聚黨殺統。案晉書苻堅載記楊統與篡分爭。堅遣將攻之。統篡出降。以統爲南秦州刺史。據此統未嘗爲篡殺也。

南齊書

柳世隆傳。

父字雙構。位建威參軍事。傳缺。

輔國將軍中兵參軍王靈秀。傳失中兵參軍四字。

劉善明傳。

開賓館以接荒民。案南傳作接鄰國。

庾杲之傳。

祖深之。雍州刺史。南傳作義興太守。

父粲。司空參軍。南傳作宋南郡王義宣丞相城局參軍。

劉瓛傳。

父惠。治書御史。南傳作臨賀太守。

居父喪不出廬。南傳作居母憂。

徐孝嗣傳。

孝嗣卒。後文缺。案通鑑云。孝嗣子演。尚武康公主。況尚山陰公主。皆坐誅。可補也。

陸慧曉傳。

祖萬載。侍中。案南傳作自玩。至慧曉。祖萬載。世爲侍中。

鄒陽王寶彥傳。

和帝立。西臺以寶彥爲南徐州刺史。少帝以爲荊州刺史。案和帝。卽少帝也。文不應重。又是時蕭穎胄方行荊州事。何得復以寶彥爲荊州。且和帝紀有刺徐州文。無刺荊州文。疑有誤。

宣德太后臨朝。梁王爲建安王。案和帝紀作建安郡公。

中興二年謀反誅。案寶彘奔魏。未嘗誅也。當如本紀書奔虜爲實。

梁書

武帝紀

天監六年九月丁亥。誤書丙戌前。

八年封廬陵王續。紀失載。

太平御覽刑法部二引梁書曰。武帝敦睦九族。優恤朝士。有犯罪者。皆諷臣下屈法申之。百姓有罪。卽案以法。其緣坐老幼不免。一人逃亡。舉家質作。人既窮急。奸宄益深。後帝親南郊。秣陵老人遮帝曰。陛下爲法。急于黎庶。緩于權貴。非長久之術。誠能反是。天下幸甚。帝銳意儒雅。疏簡刑法。自公卿大臣。咸不以鞫獄留意。奸吏招權。巧文弄法。貨賄成市。多致枉濫。大率三歲刑。以及十歲。至五千人。是時徒居作者。具五任。其無任者。著斗械。斗。疑若疾病權解之。今書無。

昭明太子統傳

天監五年五月庚戌。南史出居東宮。案本紀。是年五月。歷書辛未。乙亥。辛巳。丁亥。庚寅。辛卯等日。下六

月。又有庚子日。則五月不得有庚戌。

柳惔傳。

卒年四十六。南史作六十。又子照。南史作昭。

陸杲傳。

祖徽。宋建康令。清平無私。爲文帝所善。歷廣州益州刺史。卹隱有方。威惠兼著。卒于官。諡曰簡。見宋書良吏傳。

傳缺。

父叡。揚州治中。南史作揚州中從事。

陸倕傳。

子纘。十歲通經。南史作七歲。又次緇似倕。一看殆不能別。見南史。傳無。

陸襄傳。

襄本名衰。字趙卿。有奏事者誤字爲襄。梁武帝乃改爲襄。字師卿。見南史。傳缺。

南康王績傳。

天監八年封。傳武紀。七年九月立。績爲南康郡王。

周興嗣傳。

太平御覽文部十七引梁書曰。武帝取鍾王真迹。授周興嗣。令選不複者千字。韻而文之。興嗣一宿而

上鬢鬢皆白。被賞遇。後興嗣目疾。武帝親爲之合藥。今書無此。但云次韻王羲之千字。又左目盲。高祖手疏治疽方以賜之。

劉峻傳。

峻本名法武。母許氏。兄法鳳。居貧不自立。與母並出家爲尼僧。既而還俗。見南史。傳缺。

劉訐傳。

祖承宗。宋太宰參軍。傳失書。

天監十七年卒。南史作七年。

劉歊傳。

奉母兄。以孝悌稱。分有所須。口未言。歊已先知。手自營辦。母病。夢歊進藥。翌日有開。其誠感如此。見南史。

傳缺。

庾幕傳。

太守襄陽王儼之。南史作永陽王。又賜米五十斛。南史作穀五百斛。

豫章王綜傳。

綜奔魏。改名縉。見南史。案魏書。縉作贊。

河東王譽傳。

大通三年改封河東郡王。案文大通上失中字。

陳書

高祖紀。

監宋隆郡所部安化二縣元不賓。案安化謂崇化南安二縣也。考隋地理志可見。

周文育傳。

傳泰據塢口城。南傳作塢口城。

侯安都傳。

擒齊儀同乞伏無勞。南史作乞扶無勞。

琳將潘純隨于城中。遙射官軍。南史作潘純。

吳明徹傳。

字道昭。南史作通昭。

馬主裴子烈。南史作馬明戍裴子烈。

趙知禮傳。



子允恭嗣南傳作元恭。

蔡景歷傳。

妻兄劉洽受歐陽武威絹。南史作劉裕受歐陽威絹。

魏書

序紀。

平帝七年。匈奴字文部大人莫槐爲其下所殺。昭帝五年。字文莫虜之子遜昵延朝貢。案莫虜疑卽莫槐。

昭帝十二年。賈人李雄僭帝號于蜀。自稱大成。案晉書惠紀。永興二年六月。李雄僭帝位。推考北魏。乃昭帝十一年也。又晉書作國號蜀。

穆帝四年。劉琨牙門將邢延叛。招引劉聰。五年。帝討聰。斬其將邢延。案邢延疑卽邢延。

晉京兆太守閻鼎。立秦王業爲太子。案晉書懷帝紀作京兆太守梁綜。

昭成帝諱什翼犍。案晉書。什俱作涉。

四年。劉務桓歸順。帝以女妻之。案帝卽位。年十九。不應有可嫁之女。

十八年。張元靖稱涼王。案晉書。靖作靚。元靚本傳無稱涼王事。穆帝紀。永和十一年七月。張元靚爲大

將軍涼州牧。

三十九年。皇子寔君作亂。紀缺。

孝文帝紀。

太和三年二月壬寅。乾象六合殿成。下四年正月。復云乾象六合殿成。文複必有一誤。

孝明帝紀。

正光五年八月。南秀容牧子于乞真反。案尔朱榮傳作南秀容牧子萬子乞真。

尔朱榮傳。

武泰元年四月。莊帝即位。七月。葛榮向京師。相州刺史李神軌閉門自守。北史榮傳作李神儻。案神軌死于河陰之難。贈相州刺史。見本書列傳。河陰事在此先。傳亦不言其爲相州刺史。當由贈相州致誤耳。考李神儻傳。肅宗末。行相州事。時葛榮南逼。神儻憂懼。故墜馬傷腳。仍停汲郡。有詔追還。莊帝纂統。拜散騎常侍。據此。神儻刺相州。在孝莊即位之先。且身未至相州。安得有閉門自守之事。而本書李神傳云。孝昌中。行相州事。建義初。葛榮盡銳攻之。久不能尅。會尔朱榮擒葛榮。事平。以功進爵。然則李神及神軌神儻。姓名略同。事又並在一時。前後必有乖錯。獨神傳有久不能尅等語。與閉門自守之文頗合。疑當是李神也。

北齊書

神武帝紀

六世祖隱。案上推當以神武爲一世。父樹爲二世。樹父謚爲三世。謚父湖爲四世。湖父泰爲五世。泰父慶爲六世。慶父隱爲七世。不得言爲六世也。

万俟普傳

授後將軍第二領人酋長。案北史作累遷第二領人酋長。

可朱渾元傳

字通元。案北史作道元。

隸天光征關中。以功爲渭州刺史。案北史作隸天光平万俟醜奴等。以功封東縣伯。孝武立。累遷渭州刺史。

周書

蕭督傳

普通六年。封曲江縣公。案梁武紀。中大通三年六月。立曲阿公督爲岳陽郡王。當從曲阿爲正。所著文集十五卷。案隋書經籍志作十卷。

沈君游傳。

有文集十卷。案隋經籍志作沈君攸集十三卷。

隋書

高祖紀。

開皇元年三月書辛巳。四月不得復有辛巳。

四月書辛丑。六月書癸未。五月不得有戊子。當從北史作戊午。

三年六月庚辰。下書壬申。誤。

十一月己酉。下庚辰甲午。當在十二月。誤脫十二月字。

十年十一月丙午。誤書辛丑上。

十一年五月書甲子。誤。以上二月辛巳晦。又下有癸卯乙巳等日也。

十二年七月壬申晦。案律歷志。是年七月十五日己未。則晦日當在癸酉。

十二月癸酉乙酉。下書己酉。誤。

十三年二月戊子。書己卯上。己卯下重書戊子。並誤。

十月乙卯。以上七月戊辰晦。推之。十月無是日。

十四年九月己未，誤書丁巳上。

十六年正月丁亥，以十五年四月己丑朔推之，誤。

十八年五月辛亥，誤並同，更以二十年正月辛酉朔互推，益見。

十九年十二月乙未，下書丁丑，誤。以下年正月辛酉朔推之，是年十二月無丁丑。又案本書五行志，是

年十二月乙未，星實于渤海，文與此紀同。據志，丁丑當爲衍文。

仁壽四年六月庚申，有星入月中，以大業元年正月壬辰朔推之，不當有庚申。天文志作庚午，北史同，爲是。

煬帝紀

大業六年十月壬申，下書壬子，誤。以上正月癸亥朔推之，是月無壬申。北史同

八年三月，重書甲午，又戊戌，誤書甲午上。

九年二月書壬午，誤。以下三月有丙子也。

十月丁亥，誤書壬辰下。

十二月二月甲子，誤書癸亥上。北史同

五月丙戌朔，下書壬午，誤。

十三年九月己丑。下十月書丁亥丙申戊戌。案九月既有己丑。則丁亥戊戌不得並在十月。蓋自己丑逆推之。則丁亥在己丑前二日。自己丑順推之。則距丁亥五十九日。若以己丑爲九月末。則十月有戊戌而無丁亥。以己丑爲九月初。則十月有丁亥而無戊戌。合書一月誤。

恭帝紀。

義寧元年十二月癸未。薛舉自稱天子。寇扶風。案唐書舉本傳。寇扶風在高祖入關之前。稱帝又在寇扶風之前。或不必其在十二月耶。

二年正月壬戌。將軍王世充爲李密所敗。庚戌。河陽郡尉獨孤武都降于李密。案二戌並書一月。則庚戌當在壬戌之前。

三月戊戌。詔唐王備九錫之禮。案下五月乙巳朔。則戊戌當在四月。戊戌距乙巳僅八日也。

律歷志。

劉暉王頗等駁張胄元歷云。從周天和元年。至開皇十五年。張賓合者十。張胄元合者五。案下備言賓胄元差合之數。賓合九。胄元合四。至十四年止。當缺十五年一段也。又云胄元差者九。八差後一日。一差前一日。案下並差後一日。無差前一日者。所書甲子必有誤。又云開皇五年十一月二十二日乙亥冬至。張賓歷甲戌冬至。差前一日。張胄元歷合。庚辰冬至。案庚辰誤。當爲乙亥。既云歷合。不得言

庚辰也。準上下文可見。

天文志。

開皇十四年十一月癸未。有星孛于虛危。案本紀作孛于角亢。

經籍志。

齊人胡母子都傳。公羊春秋。授東海嬴公。嬴公授東海孟卿。孟卿授魯人眭孟。案漢書儒林傳及眭孟傳。孟爲嬴公弟子。非孟卿授也。

梁安成王蕭欣集十卷。案本傳作三十卷。

梁護軍將軍甄元成集十卷。案本傳作二十卷。

梁吏部尚書蔡大寶有集三十卷。度支尚書傳准有集二十卷。尚書右丞范迪有集十卷。志均未載。

楊元感集。

右驍衛大將軍來護兒赴授。案護兒傳。自右驍衛轉右翊衛。破元感。驍當爲翊。又宇文述傳。與左禦

衛將軍來護兒討元感。左禦亦當爲右翊。

李子雄傳。

子雄。勃海蓊人。案本書地理志。蓊。隋時改隸信都郡。

張須陁傳

須陁弘農閿鄉人案本書地理志閿鄉屬河南郡



讀書之法

讀書之法

讀書之法

讀書之法

讀書之法

讀書之法

讀書之法

讀書之法

讀書之法

讀書之法

讀書之法

讀書之法

讀書之法

讀書之法

# 讀史舉正卷七

南史

宋武帝紀

帝彭城縣綬輿里人。案宋書本紀作綬里人。通鑑注作綬德里人。

楚元王交之二十一世孫也。案宋書本紀交生紅懿侯富。富生宗正辟彊。辟彊生陽城繆侯德。德生節侯安民。安民生偉侯慶忌。慶忌生肅侯岑。岑生宗正平。平生東武城令某。某生東萊太守景。景生明經洽。洽生博士宏。宏生瑯邪都尉慳。慳生魏定襄太守某。某生邾城令亮。亮生晉北平太守膺。膺生相國掾熙。熙生開封令旭孫。旭孫生武原令混。混生東安太守靖。靖生郡功曹翹。是爲皇考。自交推之。至帝爲二十二世。不得言二十一世也。

帝用參軍胡藩策。戮剋臨朐。案宋書作檀韶率參軍胡藩馳往。即日陷城。餘姚唐亮藏匿亡命。宋紀作虞亮。

以西陵太守朱齡石爲益州刺史。當從宋紀作西陽太守。

乞伏熾盤拜河南公。宋紀作乞佛熾槃。

義真還爲赫連勃勃所追。宋紀作佛佛虜。

元熙二年六月壬戌。帝至都。甲寅。晉帝禪位。案壬戌書甲寅前。誤。

永初二年四月戊辰。聽訟華林園。案是月爲己卯朔。不得有戊辰日。宋紀書戊申。華林園聽訟。己亥。以

王仲德爲冀州刺史。戊申書己亥前。亦誤。又五月乙酉。案文乙酉當在四月。

上崩時年六十。案文下接書七月。疑落一七字。宋紀作六十七。

### 宋少帝紀

景平二年五月己酉。皇太后廢帝爲營陽王。宋紀作乙酉。廢帝爲榮陽王。

案武帝少帝總論內。晉自社稷南遷。至收其實矣。並襲宋書論文。

### 宋文帝紀

永初元年。加都督。案宋書本紀。帝前已都督荆益甯雍梁秦六州矣。是年進督北秦州。非加也。

元嘉十四年正月戊戌。鳳凰二見于都下。宋書符瑞志作三月丙甲。

十八年五月甲申。河水汎溢。宋書五行志作江水汎溢。

二十四年四月。河濟俱清。宋書符瑞志作二月戊戌。

帝崩于合殿。案宋紀作含章殿。合乃含之誤也。

宋孝武帝紀

元嘉三十年四月以江州刺史蕭思話爲尙書左僕射。案宋紀二十八年孝武尙爲江州刺史及卽位以臧質爲江州刺史。此屬思話誤。

六月庚午以褚湛之爲尙書右僕射。宋紀作庚戌。案此文下書庚申而宋紀是月前有甲辰丙午戊申己酉等日。則書庚戌爲是。

閏六月庚申加江夏王義恭錄尙書事。宋紀無又以竟陵王誕爲揚州刺史。宋紀書甲午下案義恭錄尙書已見

前此爲重出。下七月書辛丑朔。此月不得有庚申。宋紀書甲午是。孝建元年二月庚子。案是年正月己亥朔。二月不得有庚子。

三年正月辛巳。祀南郊。案辛巳不當書庚寅戊戌下。宋紀作辛丑是。大明三年八月乙巳。剋廣陵城。案下有丙子丙戌等日。此不得有乙巳。

海陵王休茂反。參軍尹元慶起義斬之。案宋紀作義成太守薛繼考討斬之。  
宋前廢帝紀。

景和元年十一月癸巳。殺太尉沈慶之。案宋紀不書日以自薨爲文。丁未。皇子生。少府劉暉子也。宋紀作劉勝子。

戊午安南侯敬深賜死。宋紀作敬淵。

案文帝孝武帝前廢帝總論並歸宋書三論而稍變之。

宋明帝紀。

帝字景休。宋紀作休炳。

泰始二年正月乙未。晉安王子助僧即僞位。案文當書下甲午戒嚴後。

丙戌廣州刺史袁曇同逆。宋紀作袁曇遠。丙戌作丙申。案甲午下書丙申是。

妖賊攻廣州殺刺史羊希。宋紀作羊南。

宋後廢帝紀。

元徽二年五月壬午。桂陽王休範反。庚寅戒嚴。壬申賊攻新城壘。案壬午距壬申五十一日。不得竝在

一月。

湘州刺史張興世舉義兵。案宋紀作湘州刺史王僧虔。雍州刺史張興世竝舉義兵。此合爲一誤。

冠軍將軍黃回北討。宋紀作預軍將軍。

宋順帝紀。

帝字仲謨。宋紀作仲謀。

案明帝後廢帝順帝總論  
並廢宋書三論而稍易之

宋后妃傳

威皇后母叔孫氏遷陵永平鄉君宋傳作封永陵平鄉君

何皇后父瑀字幼玉宋傳作稱玉又瑀尚豫章康長公主諱次男宋傳作欣男

案后妃論文  
半廢宋書文

宋宗室傳

義慶表舉前臨汝令庾實宋傳作臨沮又處士師覺授宋傳作師覺

劉懷慎傳

亮迎武當山道士孫懷道宋傳作孫道允

孫處傳

封新番縣五等侯宋傳作新夷縣

循父緞奔始興宋傳緞作擬

孟懷玉傳

卒官無子案宋傳懷玉子元此失書

王錫傳

子僧亮。僧亮弟僧衍。僧衍弟僧達。案僧達爲宏少子。此云僧衍弟。誤。

袁湛傳

父質。宋傳作文質。又子澹。澹子植。宋傳作澹子桓。

褚裕之傳

孫法先反。以司馬文宣爲征西大將軍。案宋傳法先作法亮。文宣作文宣。

寂之子。宋傳變作授。

蔡興宗傳

累遷尙書吏部侍郎。案文侍字衍。

中書舍人宏興宗。當是文誤。宋傳作中書舍人王宏。

徐廣傳

年過八十。猶歲讀五經一遍。案宋傳廣卒時年七十四。此云八十。疑誤。

撰晉紀四十二卷。宋傳作四十六卷。

柳元景傳

義恭薦元景，乃以爲武威將軍。案宋傳，惟書義恭以元景爲廣威將軍，無薦元景句。

陸澄傳。

年位已高，當從南齊書，作年已倍，令君爲是。

卒諡靜子，南齊書作靖子。

誣爲買券，南齊書作賣券。

陸玠傳。

玠，梁大匠卿晏子之子，案陳書無上子字。

劉懷珍傳。

祖昶，青州中從事，南齊書作青州治中。

劉靈哲傳。

夢黃衣老公與藥，曰：可取此食之。案南齊書作可取南山竹筍食之，并無與藥二字。

劉蕡傳。

字士涇，梁書作士烜。

梁武帝諸子傳。



吳郡屢水災。案下文太子疏曰。使吳興一境無復水災。又云。吳興累年失收。則吳郡當爲吳興郡也。梁書作吳興郡是。

遣交州刺史王奕發吳興信義三郡人丁。案梁書奕作弁。信義作義興。

襄陽人梁話。魏書作安定。梁話。又淮陰苗文胤。魏書作濟陰芮文胤。

陳宗室傳。

信威將軍祐。封豫甯縣侯。案陳書作信武將軍祐。封豫章縣開國侯。

侯瑱傳。

王琳傳。軍保西岸。東西風吹其舟。鑿。陳書作東北風。

黃法氈傳。

太平元年。割江西四郡。案西字誤。當從陳書作江州。

爲拋車。陳書作拍車。

酒于量傳。

出爲桂陽刺史。案陽字誤。當從陳書作桂州。

降周將長湖公元定等。陳書作長胡公拓跋定等。

北史

魏本紀

積六七十代。魏書作六十七世。

威皇帝僧。魏書作僧。

神元帝四十二年。遣子文帝如晉。是歲晉景元二年也。案景元乃魏陳留王奂年號。時晉未受禪。不得

云晉。魏書作如魏爲是。

穆帝三年。劉琨遣子導爲質。案晉書劉琨傳。導作遵。魏書同。

孝文帝太和元年。伊祁苟自稱堯後。魏書作伊祁苟初。又皮喜攻陷葭蘆。魏書作懽喜。又粟楊婆

國遣使朝貢。魏書作粟提婆國。又五年。任城王靈薨。魏書靈作雲。

隋本紀

開皇二年七月癸巳。誤。以下三年二月己巳朔推之。是年七月無癸巳。

三年十二月乙卯。誤。案隋書。此失書閏字。

五年四月戊申上。誤。書乙卯。當從隋書作乙巳。

六年正月壬申上。書庚子。誤。隋書作庚午爲是。

九年六月丁卯。以盧愷爲禮部尙書。案隋書作丁丑。

十六年八月庚戌。決死罪。隋書作丙戌。

十八年八月丙子。誤。當從隋書作七月。

大業元年五月甲子。誤。以上正月壬辰朔推之。甲子當在六月。

八年三月癸巳下。戊戌上。書甲子。誤。當從隋書作甲午。又五月戊午。隋書作壬午。七月壬午。隋書作壬寅。十月

戊寅。隋書作甲寅。竝當從隋書。

九年十二月甲辰。書丁亥。上。誤。

十一年八月乙卯。以上甲午朔推之。誤。當從隋書作乙丑。

十三年五月辛卯。誤。以上二月壬午推之。本月無辛卯。

義甯二年正月壬戌。下書庚戌。誤。

魏后妃傳

桓皇后惟氏。魏書作祁氏。

獻明皇后避難。中路失道。案魏書作失轄。是與下輪正不傾相應。

明元密皇后薨。諡曰貴嬪。案魏傳作諡曰密貴嬪。此遺密字。

余朱榮傳

以銅鑄咸陽王禧等五王子孫。案魏書作六王子孫爲是。

害彭城霸城二王。案霸城當爲公。卽始平王子正也。

吐谷渾傳。

分戶七百。晉書作一千七百戶。

一週一迷。宋書作一向一遠。

大將絕拔濕。晉書作紇拔泥。宋書作絕拔濕。

葉延子碎奚。晉書作辟奚。

舊唐書

地理志。

汝州魯山縣。武德四年。于縣置魯州。正觀元年。州廢。案新書地理志注。魯州。正觀九年廢。又下葉縣注。

云。正觀八年。隸魯州。然則八年尙有魯州。其廢當在九年。非元年也。

魯州領魯山。滎陽二縣。州廢。仍置滎陽縣。以魯山屬汝州。案新書。魯州廢。省滎陽。省字最確。如曰仍置。

則州已廢。

雅州。但有州名。無屬縣。亦無實土。案新書。領嚴道盧山名山百丈榮經五縣。土貢有黠金茶石菖蒲落鴈木。

后妃傳

太穆皇后。文德皇后。傳並云上元元年。改上尊號曰太穆順聖。文德順聖。案順聖二字。乃天寶八載所加。上元則曰太穆神皇后。文德聖皇后也。

高宗廢王后及蕭良娣。武昭儀令人縊殺之。案後又云。截去手足。投酒甕中。數日而卒。自相違反。良娣生義陽宣城二公主。必當進號。史失之。又良娣乃太子宮人位號。必高宗藩邸稱之。即位後已進淑妃。而仍其舊稱耳。

睿宗肅明后劉氏。刑部尚書德威孫。案本傳。德威仕終同州刺史。前此嘗爲刑尚耳。昭成后竇氏。將作大匠抗曾孫。祖誕。大理卿。案本傳。抗仕終左武侯大將軍。誕仕終宗正卿。此所書。則皆前官也。

元宗后王氏。父仁皎。加邪國公。案本傳作祁國。

元獻皇后楊氏。宏農華陰人。案隋志。華陽屬京兆。本書志屬華州。天授中。屬虢州。尋卽復故。又虢州。至天寶初。始改宏農郡。此時未也。二十四年。忠王爲太子。案本紀。在二十六年六月。

楊貴妃傳。武惠妃。開元二十四年薨。案文四當爲五。楊家與廣平公主爭門。案新書公主傳及楊妃傳。俱作廣甯。虢國男裴徽。尙代宗女延安公主。案新書公主傳。延安爲肅宗女。

肅宗張皇后。南陽西鄂人。案新書作鄂州向城人。爲是。地理志。南陽無西鄂。向城乃故西鄂縣地。

肅宗吳后。開元二十三年元宗賜之。案本紀。代宗以開元十四年十二月生。則吳后之賜。當在十三年。二字誤衍。又后叔令瑤。封馮翊郡公。兄淑。鄆城縣公。湊臨濮縣公。案本書外戚傳。令瑤與淑。湊俱封濮陽郡公。前後互異。

代宗崔妃。父岫。母楊氏。韓國夫人。妃生召王偲。案本書楊妃傳。韓國夫人。婿崔珣。而此云岫。又偲乃代宗之弟。肅宗諸子傳。已明云崔妃生召王偲矣。而此傳又以爲代宗之子。何疏舛乃爾。

德宗韋氏。正元二年册。新書作四年。案昭德王后。以淑妃卒于正元三年。新書爲長。順宗莊憲后王氏。生遂安公主。案新書公主傳。作普安。

憲宗懿安后郭氏。幸驪山。上命景王率禁軍侍從。案穆諸子傳。無景王。宣宗繼統。恩禮愈異于前朝。案新書言帝奉養禮薄甚詳。此傳失寔。

孝明后鄭氏。未見入宮之由。大中末崩。案新書。后李錡侍人。錡誅。入掖庭。又案紀。崩在咸通六年十二月。

昭宗何后生德王輝王。案昭十子傳無輝王。  
外戚傳。

吳湊建中初爲通州刺史。案地理志無通州。

新唐書

高祖紀

七世祖焉。案上惟當以高祖爲一世。父昞爲二世。昞父虎爲三世。虎父天賜爲四世。天賜父熙爲五世。熙父重耳爲六世。重耳父欽爲七世。欽父嵩爲八世。不得言七世也。

大業十三年擊賊甄翟兒于西河。破之。案隋書煬帝紀在十二年十二月。

石艾縣長殷開山爲掾。案本傳作大谷縣長。石艾大谷俱屬太原郡。

劉政會爲屬。案本傳作戶曹參軍。

七月丙寅。隋鷹揚府司馬李軌起武威。案隋書丙寅作丙辰。軌本傳司馬作司兵。

武德二年閏二月。竇建德陷邢州。辛丑殺字文化及于聊城。案建德本傳以元年殺化及在陷邢州前。

當從本傳爲是。

八月鄴國公薨。案隋書本紀在夏五月。

十二月永安王孝基及劉武周戰于下邳。敗績。案武周本傳。夏縣人呂崇茂殺其令以應賊。高祖詔永安王孝基與于筠等攻夏縣。不克。軍城南。崇茂與賊將尉遲敬德襲破孝基軍。則是戰于夏縣。非下邳也。以地言之。夏縣與下邳相距亦遠。當從傳爲是。

代宗紀

大歷十年十月。昭義軍節度使李承昭及田承嗣戰于清水。敗之。案清水當爲臨水。臨水卽昭義屬礧州。正與攻礧事合。若清水。則正觀時已省入魏州冠氏。距礧遠矣。

僖宗紀

乾符三年十一月。王仙芝陷郢復二州。四年三月。黃巢陷鄆沂二州。八月。陷隋州。案巢傳。殘郢復二州。轉入申光。殘隋州。據安州。分擊廬壽等州。尋降復叛。分其衆。巢北掠齊魯。入鄆州。然則陷隋當在郢復後。不應在鄆沂後。以南北遼絕故也。傳是。

中和元年三月。鄭畋及天雄軍經略使仇公遇。盟于鳳翔。案鄭畋傳。與涇原程宗楚。秦州仇公遇。鄜延李孝恭。夏州拓跋思恭。盟。據傳諸鎮皆近鳳翔。天雄乃魏州。遠矣。五代史職方考。秦州。蜀曰天雄。時未有蜀。安得預稱紀誤。

地理志



汝州襄城縣。注云隸許州。天寶七載來屬。舊書。天寶元年。以許州之襄城來屬。安是年改汝州爲臨汝郡。縣或因之改屬。則七載當爲元年也。

葉縣。注云開元三年。以葉襄城及方城西平舞陽置仙州。案舊書作開元四年。

許州鄆城縣。注正觀元年。鄆城隸蔡州。案蔡州乃寶應元年更名。正觀初當爲豫州也。

邢州。唐初有柏人縣。見後漢光武紀。李育屯柏人。注志失之。

趙州縣八。案舊書。領十一縣。尙有欒城。藁城。鼓城。安州縣六。案舊書。領八縣。尙有京山。富水。

道州。延唐縣。注本梁興。更名唐興。天寶元年又更名。案唐興。高宗時屬永州。見後漢書光武紀注。

松州嘉城縣。通典作嘉誠。

靜州靜居縣。通典作靜川。

新州縣二。案通典。領三縣。尙有索盧。

蠻州。通典作蠻州。

澧州澧江縣。通典作臨江。

龍州龍額縣。通典作龍額。

嚴州循德郡。乾封二年置。案通典作三年。循德作脩德。下縣名循。亦作修。

融州縣二案通典領三縣。尙有黃水。又武陽作武陵。

太穆寶皇后。

后京兆平陵人。案隋書地理志京兆有始平。無平陵。舊書本傳作始平爲是。

文德長孫后傳。

高祖稱馮翊王。案隋書長孫覽傳作上黨王。舊書長孫無忌傳同。

父晟。字季。仕隋爲左驍衛將軍。案隋書晟傳。字季。晟右驍衛將軍。舊書后傳亦作右。

后疾。會柴紹等急變。聞案紹傳無此文。義亦不明。

高宗廢皇后。

后良娣囚宮中。武后詔剔其手足。反接投醜甕中。夫手旣剔矣。反接者何物乎。

則天武后傳。

兄子惟良懷運。案宰相世系表。二人乃士讓子。后之從兄也。

元慶爲宗正少卿。外遷龍州。案志龍朔二年。宗正改司宗。又龍州。正觀元年曰龍門州。

徐敬業取潤州。殺刺史李思文。案思文附敬業傳。無被殺事。又此傳後有春官尙書李思文。卽其人也。

薛懷義拜左威衛大將軍。案志光宅元年。改左右威衛曰左右豹韜衛。

右武衛兵曹參軍屈貞筠。案志光宅元年改左右武衛曰左右鷹揚衛。

和思趙后傳。

帝爲英王聘爲妃。案文英當爲周帝。徙封英王。后已死矣。

韋庶人傳。

詔將軍趙承福薛簡衛譙王。案譙王傳作趙承恩薛思簡。舊書韋后傳命左金吾大將軍趙承恩及宦者左監門衛大將軍薛崇簡加宦者二字以別于太平公主之子薛崇簡也。然則薛簡思簡皆誤矣。而舊書中宗紀作薛簡仍自牴牾何也。

后兄溫族弟潞播宗子捷璿璿甥高宗。案宰相世系表播乃溫從子璿其族弟也。又溫同行有璿有潞。潞爲衛尉少卿。此云分領屯營疑是潞也。舊書后傳亦作溫從子播捷族弟璿外甥高崇。

上官昭容傳。

父延芝。案文延當爲庭。上官儀傳可據。

昭成寶后傳。

曾祖抗。父孝謚。自有傳。案孝謚。本書失載。舊書入外戚傳。

王順武后傳。

弟忠國子祭酒信。秘書監。案宰相世系表。武攸止子昕。忠信傳誤。又表云。昕忠。鴻臚卿。潘好禮曰。妃再從叔三思。從父延秀。案延秀乃武承嗣子。三思從子。于妃爲從兄。云從父。誤。

楊貴妃傳

建平信成二公主。案公主傳。元宗女有信成。無建平。

章敬吳后傳

肅宗在東宮。李林甫陰構不測。太子內憂。元宗幸其宮。左右無嬪侍。詔選良家子侍太子。后在中。生代宗。案舊書代宗紀。以開元十四年十二月生肅宗。以二十六年六月始爲太子。而林甫構韋堅以危太子。則在天寶五載。傳非。又云年十八薨。案舊書。二十八年薨。當亦因字形致誤。

正懿獨孤后傳

帝爲廣平王時。秘書少監崔岫妻韓國夫人。以其女爲妃。生子僖。所謂召王。案召王僖。乃肅宗子。代宗弟。其行弟皆以人字可證。且十一宗諸子傳。已在肅宗十四子之列。而此傳仍舊書之誤。前後殊不相應。

睿真沈后傳

德宗卽位。詔贈后曾祖士衡太保。祖介福太傅。父易直太師。案舊書后傳。贈后父易直太師。易直子介

福太傅介福子士衡太保其世次之遠戾至矣。又正元七年贈外高祖琳爲司徒舊書作外曾祖。章賢妃傳。

祖澀尙定安公主案舊書妃傳不知氏族所出此云祖澀未知何據。

莊憲王后傳。

元和十年崩案紀在十一年三月。

恭僖王后傳。

太和五年詔稱義安太后案舊書作八年。

宗室傳。

畢王璋二子詔孝基案表詔雍王繪子。

襄武郡王琛隋義甯初封襄武郡公武德初始王案唐初于諸郡皆改州其封諸王皆仍隋舊名獨襄

武隋志無此郡未知何故。

河間王孝恭子崇義晦崇義歷蒲同二州刺史案表蒲同絳陝幽夏六州刺史又晦作崇晦。

淮安王神通子孝銳有子齊物顯案表齊物孝銳孫。

齊物貶竟陵太守還遷京兆尹案舊書入爲司農卿尹京兆在後。

膠東王道彥爲媯州都督。案舊書作涼州爲僞。媯州無都督府。

孝友河閒王。案表作孝本。別有孝友爲尙書左丞。梁郡公孝逸。進鎮軍大將軍。案志無鎮軍。

淪川王孝同。孫廣業。劍州長史。案文長當爲刺。劍州非都督府。安得長史。表同此誤。

孝節曾孫鬻。案表鬻。孝節孫。鬻使吐蕃。還遷吏部。案舊書轉兵部。

襄邑王神符。子德懋。少府監。孫模。仕終太子賓客。案表德懋刑部尙書。模司農卿。太子賓客。乃模子詞也。

世祖四子。長澄。次湛。洪。次高祖。案表高祖居長。

隴西王博父。高宗時擢累禮部尙書。爲帝所鄙。案舊書作高祖爲是。又表作宗正卿。

### 高祖諸子傳

韓王元嘉。正觀九年封韓。遷滑州都督。案文九當爲十。滑當爲潞。

鄭王元懿。十子。長璦。嗣王。爲鄂州刺史。案表王止九子。長璦。嗣王。遂州刺史。

崔王元軌。六子。案舊書子七人。表止五人。

虢王鳳。長子翼。嗣爲平陽王。案翼。虢王。平陽王。其初封耳。次子茂融。案舊書作第五子。表在第四。

道王元慶。九子。誘爲嗣王。臨淮。案文當云臨淮王誘爲嗣。

魯王靈夔孫道邃終尙書右丞案表及舊書俱作宗正卿

密王元曉徙澤州薨案舊書後歷徐州刺史薨

子顯嗣爲安南王案文常云子安南王顯爲嗣

滕王元嬰少子修信案舊書作瑋表作瑋

# 讀史舉正卷八

新唐書

王世充傳

出爲江都贊治遷郡丞案隋書百官志煬帝改贊務爲郡丞此傳似贊務一官郡丞又一官矣

竇建德傳

上谷賊王須拔以兵略幽州戰死案本紀武德元年十一月竇建德敗王須拔于幽州須拔亡入于突厥則是須拔固未嘗戰死幽州也

十三年自立爲長樂王十四年五月更號夏王案大業十三年卽義甯元年明年三月煬帝卽遇弑矣安得稱十四年乎

薛舉傳

大將慕容羅喉李安遠劉宏基皆沒案軍沒與身沒異是役也劉宏基僅被擒李安遠亦無恙二人本傳可見文云皆沒一似身沒然者義不分明又李安遠本傳不及此戰事亦疏

薛仁杲傳



舉父子盜隴西。五年滅。案薛舉以大業十三年四月癸未反。武德元年七月辛巳舉卒。己丑秦王討仁杲。十一月己酉執之。癸亥俘仁杲以獻。然則舉父子自起至滅。凡二年耳。五年之說。未知何所據也。

蕭銑傳。

擢爲羅川令。案隋書煬帝紀。大業十三年十月。羅令蕭銑反。地理志。羅縣屬巴陵郡。非羅川也。

隋將張鎮州。隋書作鎮周。

僞將雷長穎以魯山降。案地理志。汝州魯山。注王世充置魯州。世充以武德四年五月降。銑以此年十月亡。則魯山未應屬銑。又隋書地理志。襄城郡魯縣。卽唐魯山也。文亦無山字。

沈法興傳。

法興。湖州武康人。案隋書地理志。武康自隸餘杭郡。未嘗隸湖州。且湖州卽吳郡之烏程。仁壽中置。大業初。州已廢。不得仍言湖州也。

大業末。爲吳興郡守。案隋書地理志。烏程舊置。吳興郡。平陳郡廢入焉。是大業中未嘗有吳興郡也。當爲吳郡之訛耳。

李子通傳。

子通。沂州丞人。案隋書地理志注。開皇十六年。分丞置鄆州及蘭陵縣。大業初。州廢。併蘭陵入焉。尋改

丞爲蘭陵隸彭城郡。然則丞固未嘗屬沂州也。又案本書地理志沂州丞縣注本蘭陵武德四年置鄆州更名丞。正觀元年州廢以丞來屬。此傳據唐初州縣爲又耳。

薛萬徹傳。

遂傳泊汭城糾繆云。本紀及高麗傳皆泊灼城。案地理志有載賈耽考邊州入四夷之路。內有營州西北路一節。內云泊汭城。又有登州東北路一節。內有泊汭口。似泊汭是也。

房元齡傳。

元齡齊州臨淄人。案隋書及本書地理志臨淄屬北海郡。不屬齊州。

李吉甫傳。

改郴饒二州案舊書吉甫爲忠州刺史。六年不徙。尋授柳州刺史。郴或柳之說。

顏真卿傳。

師古五世從孫。案舊書杲卿傳曾伯祖師古曾祖勤禮。祖甫父元孫則真卿爲師古四世從孫。非五世也。舊書真卿杲卿傳並云五代祖之推亦謬之推乃師古之祖。至真卿爲六世矣。

卒時年七十六。案曾南豐魯公祠堂記云。是時公年七十有七矣。不知何據。

寶羣傳。

羣京兆金城人。案金城至德二載已改名興平矣。

顏師古傳

其先琅邪臨沂人。祖之推自齊入周。終隋黃門郎。遂居關中。爲京兆萬年人。案北齊書之推傳。齊時爲黃門侍郎。入周大象末。御史上士隋開皇中。太子召爲學士。以疾終。北史同。新書誤。當從舊書作齊黃門侍郎。爲是。又案後周大興郡。隋曰京兆。唐初曰雍州。開元初復曰京兆。周置萬年縣。隋改大興。唐初復故。然則據之推而言。當云大興萬年人。據師古而言。當如舊書云雍州萬年人。

獨孤懷恩傳

懷恩元正皇后弟也。懷恩幼隨文帝獻皇后。以姪養宮中。糾繆云元正皇后卽高祖母。而高祖紀云隋文帝獨孤后。高祖從母也。由此言之。元正后與文獻后乃姊妹。而懷恩則弟也。安得謂之姪哉。案是傳下云帝嘗與戲曰。弟。姑子。悉有天下。次當爾耶。所謂姑子者。蓋帝自謂及煬帝也。弟者。表弟也。舊書外戚傳作元正皇后弟之子也。確甚。然則新書之誤。不在姪字。蓋脫之子二字耳。吳縝之言非也。磨下元君寶。案唐儉傳。君寶作君實。

開府劉讓。案劉讓應作劉世讓。

田承嗣傳

大歷八年相衛薛嵩死弟蓴求假節牙將裴志清逐蓴蓴以衆歸承嗣案以衆歸者志清也非蓴也文多一蓴字又代宗紀事在十年正月丁酉昭義軍兵馬使裴志清逐其節度使薛蓴叛附于田承嗣此云八年誤又蓴當作蓴

李靈耀以汴州叛詔李忠臣李勉河陽馬燧合討案文與本紀合是役未嘗有李正己也而下文忽云已正己將尹伯良敗疎甚考正己及忠臣燧傳皆無正己討靈耀事

田縉傳

華太常少卿尙永樂新都二公主案公主列傳書代德三朝公主無號永樂者但有新都公主下嫁田華耳

李正己傳

逐侯希逸出之有詔代爲節度使遂有淄青齊海登萊沂密德棣十州與田承嗣等輔牙相倚案方鎮表廣德元年滄德二州隸魏博節度正己之逐希逸在永泰元年是時德州屬魏博田承嗣矣其後八節度奉詔討承嗣李正己乃攻拔德州語在承嗣傳中表云大歷十年淄青平盧節度又領德州卽此然則正己初代之時固未嘗有德州也考方鎮表寶應元年以登萊沂海泗隸淄青平盧節度使則德州當爲泗州耳

季師道傳。

師道異母弟也。案文當云師古異母弟也。減二字卽害本義。此與下署知密州正同。所謂苟簡者是也。西域傳。

以其地爲懿婁麟可三十二州。案三十二當作二十五。

黃嶽傳。

王仙芝攻汝州。刺史走。案本紀乾符三年九月仙芝陷汝州。執刺史王鐸。非走也。通鑑

前鴻臚卿李琢。案本紀琢乃宮苑使。

以元裕爲招討使。案本紀元裕爲招討及破賊。皆在乾符五年正月王仙芝伏誅之前。

五代史

梁太祖紀。

拜溫左金吾衛大將軍。案新唐書本紀左作右。

文德元年三月庚子。僖宗崩。案新唐書本紀作癸卯。

開平元年。封子友文博王。友珪郢王。友璋福王。友正均王。友徽建王。案家人傳尙有友雍賀王。

梁末帝紀。

太祖第三子友正也。案家人傳。太祖八子。長曰友裕。次曰友珪。友璋。友正則末帝。乃第四子也。

唐明宗紀。

長興二年十一月戊申。誤書辛丑前。

唐廢帝紀。

清泰三年五月乙卯。誤書戊申前。

晉高祖紀。

天福三年十月戊子下。戊戌上。書己未。誤。

四年十二月。書乙亥。戊子等日。以下五年正月丁丑。朔推之。乙亥。戊子。當在十一月。

晉出帝紀。

開運二年十一月戊戌。下書己巳。誤。

周世宗紀。

顯德五年。重書三月。

梁家人傳。

文惠皇后。單州單父人。元正皇后。單州碭山人。案新唐書地理志。光化二年。朱全忠以宋州之碭山單

父虞城曹州之威武表置輝州。又本史職方考。後唐滅梁。改輝州爲單州。是梁時固未嘗有單州也。正明四年。友能以陳州兵反。案本紀。在龍德元年。脫一友字。

晉臣傳。

景延廣徒領甯江軍節度使。案甯江軍不見職方考。

司天考。

晉天福三年正月戊申朔。七年四月甲寅朔。日食。周顯德三年正月戊申。五年十一月辛未。月食。見五代會要。史缺。

宋史

太祖紀。

建隆元年六月癸酉。下書辛未。誤。當從長編作辛巳。

八月戊子。南唐進賀。碎澤潞金銀器。以千計。案上七月乙丑。已書南唐進白金賀。平澤潞矣。此重書。二年閏三月壬辰。書丁丑。癸未。前誤。

三年二月丙辰。書甲午乙未。前誤。又己亥。下書壬午。亦誤。以正月庚申朔推之。壬午當在正月。乾德元年七月丙寅。書丁巳己未。癸亥。前誤。丙寅當爲丙辰。

十二月己巳以下閏月己酉朔推之當爲乙巳。

開寶二年二月己酉書乙卯戊午後誤當爲己未也。

五年四月庚寅朔下書丙寅當爲丙辰之誤下五月書庚申可見。

七月庚寅以上己未朔推之是月不得有庚寅。

仁宗紀

明道二年十二月廢皇后郭氏居長甯宮案后妃傳作長樂宮。

景祐元年九月庚辰詔立皇后曹氏十一月己丑冊曹氏爲皇后案后妃傳云九月冊爲皇后則十一

月不應複見也。

嘉祐二年三月乙未契丹使耶律防陳觀來求御容案北盟會編在七月。

徽宗紀

元豐五年十月丁巳生案王明清揮麈前錄云十月十日。

大觀元年八月丁巳封子構爲蜀國公案高宗紀作八月丁丑。

政和七年十二月戊午朔案上十月乙卯朔下重和元年正月甲申朔則是月當是甲寅朔也。

重和元年二月庚子遣武義大夫馬政由海道使女真案會編在是年四月二十七日己卯又紀中上



言正月甲申朔。則二月亦不應有庚子。

宣和元年二月庚辰。改元宣和。案會編云。三月丁未朔。

二年二月。趙良嗣使金。案會編。乃三月六日事。

四年九月戊午。朝散郎宋昭上書諫北伐。案會編。在六月。

十月己亥。耶律濤妻蕭氏上表稱臣。案會編。是年十月十三日戊戌。蕭后表至。則是前一日也。

十一月戊寅。金人遣李靖等來。案會編。乃二十一日丙子事。

五年正月辛酉。以王安中爲慶遠軍節度使。燕山府路宣撫使。案會編。乃五年二月十一日乙未事。并

云靖難軍節度。非慶遠也。

欽宗紀。

元符三年四月己酉生。案揮塵前錄云。四月十三日。

高宗紀。

大觀元年五月乙巳生。案揮塵前錄云。五月二十一日。

建炎三年八月己未。太后發建康。案下文閏八月丁丑朔。則己未乃八月十二日。或爲十三日。而揮塵

三錄所載李正民日記云。八月十六日。隆祐登舟。九月辛亥。次平江府。是月丙午朔。辛亥乃九月六日。

而記云九月八日行在平江府十月壬辰帝至越州是月丙子朔壬辰乃十月十七日而記云十月十三日行在越州十一月庚午范宗尹參知政事是月乙巳朔庚午乃十一月二十七日而記云十一月二十七日以范宗尹參知政事十二月丙子帝至明州是月乙亥朔丙子乃十二月二日而記云十二月五日車駕至四明李係目見之事所記自確宜從。

### 孝宗紀

建炎元年十月戊寅生案揮慶前錄云十月二十二日

### 后妃傳

顯德五年太祖爲都點檢案太祖紀乃顯德六年也

### 童貫傳

政和元年使遼得馬植歸馬植傳植謁貫奇之載與歸是貫植同在元年歸也案北盟會編云約其來歸北征紀實云政和二年燕人馬植歸封有功編年則云政和五年三月李良嗣遣人來雄州投蠟丸四月九日入雄州有旨令赴闕十八日見于延慶殿所記甚詳宜可據然北征紀實云植來歸上傳旨問可納否植先已藏于童貫家矣據此則其來之曲折或皆貫之祕計所爲也

### 郭藥師傳

宣和五年正月同知燕山府案會編是年六月一日壬午藥師除燕山府宣撫副使同知燕山府非正月也。

資治通鑑

漢紀

更始二年光武留耿弇署長史案袁紀范書作門下史

光武至下曲陽案東觀記和成郡治下曲陽此時和成卒正邳彤尙未降又范書光武紀降下曲陽亦在度呼沱河之後鑑書于前蓋仍王霸傳之誤耳

和戎太守當爲和成卒正

更始遣益州刺史李忠狗蜀漢案范書公孫述傳作張忠

建武元年鄧禹至箕關注賢曰今王屋縣余據唐王屋縣屬懷州案唐書地理志此乃正觀元年事顯

慶二年改隸洛州然則賢注范書之時固已不屬懷州矣

北擊尤來大搶五幡破之案范書本紀在四月公孫述稱帝前此在後未詳

晉紀

泰始元年吳紀陟洪瑋來聘案吳誌作宏瑋

九月乙未大赦。案下有乙亥。上不得有乙未。此仍魏志之誤。戊子。以何曾爲丞相。案是月無戊子。魏志晉書俱作戊午。

冬。吳徙都武昌。案吳志。在是年九月。非冬也。

二年六月丙午晦。案晉書武紀作七月爲是。以下十月丙午朔推之可證。

九月。詔自今奏得可。而于事不便者。不可隱情。案晉書武紀。此詔在四年九月。

五年。巴西文立上言。案晉書立傳。巴西郡臨江人。

考異曰。泰始七年。立舉郤詵。案詵傳。泰始中。詔天下舉賢良直言之士。立舉詵。而武本紀。此詔在四年

十一月。非七年也。

十月。封皇子景度爲城陽王。案晉書武紀。在十一月。

七年。陶璜襲董元。考異曰。璜傳云。徑至交趾。元乃九真太守。非交趾也。案九真在交趾西南。卽云至交

趾亦可。

陳騫言胡烈牽宏勇而無謀。注云。時騫以大司馬都督揚州。案晉書騫傳。以車騎大將軍出督揚州。與

武紀合。胡注附會失考。

咸甯三年。平虜護軍文鴛討樹機能。案晉本紀作文淑。扶風王駿傳作文傲。

八月封賈充爲魯郡公。案晉本紀充封在帝受禪之初。據職官志此時特增戶邑而已。

十二月吳孫慎入江夏汝南。注二郡相去甚遠。晉末夏口立汝南縣。此時未有也。案晉書祜傳吳人寇

弋陽江夏卽此事。弋陽故屬汝南。或其時慎兵分入耳。吳志在是年夏。

元康元年廢楊太后中書。盡張華議。案晉書華傳華時爲太子少傅。及楚王瑋誅乃拜中書監。

九年太子洗馬江統作徒戎論。案晉書統傳作論在爲洗馬前。

永康元年以成都內史耿滕爲益州刺史。注太康九年改諸王國相爲內史。案晉書武紀在太康十年。

西渡江源。注江源縣李雄分立江源郡。晉改多融縣。又改晉原縣。案晉地理志雄所立漢原郡耳。蓋治

江源縣。又桓溫滅蜀改郡爲晉原。縣爲多融。則是郡有晉原之名而無江源。縣有江源之名而無晉原

也。

南安魚涪津。注宋白曰榮州嘉州皆漢安南縣地。案文安南當爲南安。

扶風李攀。注泰始二年分扶風置始平郡。案晉志作三年。

永甯元年蜀郡太守李懿斷北道。案李特載記作健爲太守。華陽國志同。

河閒王顥至。案晉書顥傳齊王問起義。顥遣張方李含應之。至潼關而倫已誅。各率衆還。是顥未嘗自

行。安得云至。

六月乙卯齊王問入洛陽案晉書穎問傳皆不言至洛月日然穎雖先至傳言使趙驥等助齊王攻張泓泓降始入洛亦不應相距四十餘日也此雖別有所據然不可從

太安元年朱提李猛注朱提縣唐爲曲州之地案文曲當爲戎

武帝族弟范陽王斌注東武城侯植之少子案斌乃植孫范陽王綏子主誤

二年劉宏退屯梁注梁縣屬汝南君案晉志梁縣屬河南郡

荊州十郡注荊州時已分襄陽武昌安成屬江州案晉志惠帝分桂陽武昌安成爲是

永興元年下載成都王穎鎮鄴時表劉淵爲冠軍將軍案淵載記時表淵行甯朔將軍至惠帝伐穎乃以爲冠軍將軍

甯北將軍注晉制方面之任有四征四鎮四安四平無四甯甯當作安案晉書王俊傳由甯北將軍進號安北新蔡王騰傳亦由甯北進位安北丁紹傳以討汲桑有功加甯北將軍邳隆加甯東將軍見本傳

永嘉元年斬陳敏于建業傳首至京師案建業卽京師不必傳首敏本傳至江乘爲義兵所斬前後事相應建業之說出甘卓傳本與本紀送首之言相戾此文失于檢察用之

十二月王彌降漢案晉書彌傳彌敗自洛陽與劉靈歸元海元海郊迎敬待署彌司隸校尉加侍中特

進彌固辭。其後進征東大將軍封東萊公。又云彌見元海勸稱尊號。名檢本紀及淵載記。淵稱帝去彌降不遠。先後情事頗合。鑑削去勸稱尊號。而拜大將軍封東萊公在前。郊迎拜司隸校尉加侍中特進在後。似覺倒錯。

三年。譙登爲梓潼內史。案梓潼非國。不當稱內史。五年四月。西河王喜。注喜。宣帝弟。西河王斌之後。案宗室傳。斌乃宣帝弟通之子。

六月丁未朔。案下有辛卯壬辰丁酉丁未等日。此當爲丁亥。

荀藩以前冠軍將軍褚爨爲梁國內史。案晉書爨傳。初補冠軍參軍。洛陽覆沒。明年荀組以爲參軍。頃之。荀藩以爲梁國內史。鑑誤參爲將。且其事不在此年六月。

六年正月辛未甲戌。案下二月壬子朔。則是月不得有此二日。

九月。漢衛尉梁芬奔長安。案晉書懷紀及閻鼎傳。芬與鼎等同擁立愍帝。非漢臣也。或曾降漢爲衛尉耳。

十月。劉曜敗踰蒙山歸。注五代志。太原郡石艾縣有蒙山。又晉陽縣有蒙山。蓋蒙山跨晉陽石艾二縣界也。案石艾卽上艾。今平定州。在府東二百八十里。晉陽今太原縣。在府西南四十五里。相距遼絕。蒙山安得跨二縣界。顧景范曰。平定別有蒙山。非一山。此注誤。

十二月，麴允與馮翊太守梁肅等合兵攻闔鼎。案晉書鼎傳作馮翊太守梁緯。北地太守梁肅，此并爲一人，疑有闕文。

江陽太守張啓，注江陽，隋併入陵州隆山縣。唐爲眉州彭山縣。案晉之江陽，卽隋唐之瀘州瀘川郡也。與陵州眉州遠矣。

建興元年二月己卯，案上正月丁丑朔，則二月不得有己卯。

十月，麴鑿追趙染，與劉曜遇于零武。注零武，爲前漢北地郡魏咸陽郡之靈武。案此乃零武鄉，在今咸陽縣東。卽魏咸陽郡之靈武。漢靈武，則今甯夏府南。去此遠矣。合而爲一，誤。又後三年，麴允去黃白城軍靈武。卽此。注云北地靈武縣，亦誤。

建武元年二月辛卯下，辛丑上，書丙辰誤。又以上年十二月乙卯朔推之，并無丙辰日。

咸和九年十月癸亥朔，案下咸康元年正月庚午朔，則是月癸亥，非朔日也。

永和六年閏月，考異曰：長歷閏二月，帝紀閏月有丁丑己丑，案是歲正月癸酉朔，若閏正月，卽無丁丑己丑。今如考異所云，閏月當置二月之下，仍置二月上誤。

十年二月乙丑，案上正月己酉朔，二月不得有乙丑。晉書本紀作己丑爲是。

興甯三年七月己酉壬子下，書甲申，案己酉至甲申，凡三十六日，安得在一月。



咸安元年淮南太守桓伊破秦兵伊宣之子也案晉書宣傳伊乃宣族子伊傳父景仕至侍中丹楊尹護軍將軍長社侯宣則仕至梁州刺史封竟陵縣男二人判然不同鑑合爲一誤

齊紀

蕭衍從舅范陽張宏策注衍母張氏宏策之從父弟案梁書宏策傳云文獻皇后之從父弟也注以后爲宏策弟誤

隋紀

賀若弼請緣江防人交代必集廣陵案隋書弼傳作必集歷陽

# 跋

讀史舉正八卷。皆南漪先生隨筆識語。歿後其子始錄成帙。全先生謝山譔墓志詳言之。乾隆丙午。先生再傳弟子許煥疊孫爲之雕板。後嘉定錢氏高郵王氏諸後書出世。士不復置意。遂無過問。要其所舉誠略。聞有諸家所未及者。弗可棄也。同治己巳。余過杭州。曹丈竹書年七十。猶留意鄉先輩著述。屬覓此書。及范介祉先生春秋上律表。越二年。得之都市。求上律表不可得。丈時已老病未寄也。又五年。丈竟以文字獲罪。尋卒。余亦儒冠誤身。涸跡俗吏。無可自效。撫今懷昔。寂莫何論。爰取舊本重與校。疑冀九京有知。兩無責焉。辛巳八月。會稽趙之謙。